

毛
詩
異
文
箋

毛詩異文箋卷五

鹽城陳玉樹

寺人之令 慶既令居 王命南仲 維君子命 王
命召伯 天命元鳥 帝命式于九圍

秦風車鄰寺人之令正義云使寺人傳告秦仲訓令爲使
大雅韓奕慶既令居箋云蹶父既善韓之國土使韓姑娘嫁
焉而居之釋文令力呈反使也案令乃命之段借說文令
發號也命使也从口从令出車王命南仲箋云王使南仲
爲將率卷阿維君子命箋云命猶使也崧高王命召伯箋
云王使召公商頌天命予鳥箋云天使馭下而生商帝命
式于九圍箋云使用事于天下命皆訓使令與命古字通

周禮司儀則令爲壇三成儀禮覲禮注令作命左氏僖九年傳令不及魯故不書釋文令力政反本又作命周禮太卜注以命龜也釋文命亦作令

載儉歇驕 八月載績 雨雪載塗 載錫之光 載

見辟王 載艾載柞 秋而載嘗 陳錫哉周

駟鐵載儉歇驕箋云載始也始田犬者謂達其搏噬始成之也正義曰釋詁云哉始也哉載義同七月八月載績正義曰八月之中民始績麻出車雨雪載塗傳塗凍釋也箋云春凍始釋皇矣載錫之光箋云載始也正義曰哉載義同載艾載艾同載見載見辟王傳載始也正義曰哉載義同載艾載艾

載柞閔宮秋而載嘗箋竝曰載始也文王陳錫哉周傳云
哉載箋云哉始釋文哉如字左傳作載本又作載國語周
語漢書韋元成傳注引詩皆作陳錫載周案哉載訓始皆
非本義蓋才之段音說文才草木之初也釋詁初始也書
往哉汝諧張平子碑作往才汝諧哉生魄釋文哉徐音載
晉書夏侯湛傳作才生魄釋詁注引大傳茂哉茂哉釋文
哉或作才此哉與才通之證哉通作才則載亦通作才矣
說文哉載皆从戔聲戔从才聲故哉載皆與才通伊訓朕
哉自毫孟子萬章上哉作載禮記中庸注裁讀如文王初
載之載釋文載木或作哉

在其板屋 縮版以載

小戎在其板屋傳西戎板屋漢書地理志天水隴西山多
林木民以板爲室屋故秦詩曰在其板屋水經注渭水篇
天水郡其鄉民悉以板蓋屋詩所謂西戎板屋也案板當
作版說文有版無板縣縮版以載字正作版文選左太冲
三都賦序及注引詩竝作在其版屋大雅上帝板板爾雅
釋訓作版版傳板板反也廣雅釋訓作版版反也後漢書
董卓傳論版蕩之篇注詩大雅曰上帝版版毛萇注版反
也文選劉峻辯命論注謝靈運擬魏太子鄴中集詩注竝
引毛詩上帝版版禮記曲禮下注方板也釋文板字又作

版文王世子注釋文中庸注釋文竝云版本亦作板玉篇
木部板與版同

文茵暢轂 言之長也 頎而長兮 不以其長 禾
易長畝 不長夏以革 既溥既長

文茵暢轂傳暢轂長轂也案毛讀暢爲長下章虎韞鏤膺
釋文韞本亦作暢說文韞从長聲暢之通作長猶暢之通
作韞矣言之長也頎而長兮不以其長禾易長畝不長夏
以革既溥既長皆長短之長餘爲長久長遠之長

蒙伐有苑 斐兮斐兮

蒙伐有苑傳苑文貌案苑乃斐之段借說文斐分別文也

巷伯萋兮斐兮傳萋斐文章相錯也易革上九象傳其文
蔚也說文引作其文斐也後漢書仲長統傳注蔚與鬱古
字通都人士我心苑結箋云苑積也釋文苑徐音鬱是斐
蔚鬱苑竝通用苑與羣醇爲韻易其文斐也斐與君韻此
亦斐苑聲近之證古文微合韻經典不可枚舉

蒹葭淒淒 維葉萋萋 卉木萋萋 其葉萋萋 卉

木萋止 萃萃萋萋

蒹葭蒹葭淒淒傳淒淒猶蒼蒼也上章傳蒼蒼盛也葛覃
維葉萋萋傳萋萋茂盛兒出車卉木萋萋正義云萋萋然
茂美卷阿萃萃萋萋傳云梧桐盛也正義云萃萃萋萋而

茂盛重言之曰萋萋單言之則曰萋杜曰其葉萋萋又
曰卉木萋止是也校勘記曰兼葭萋萋閩本監本毛本同
唐石經小字本相臺本作淩釋文云萋萋本亦作淩 國
朝石經作淩淩案淩借字萋正字說文萋草盛兒淩雨雲
起也大田有淩萋萋呂覽說文玉篇廣韻漢書食貨志後
漢書左雄傳及足利本竝作有淩淩淩御覽八百七十二
引韓詩有淩淩淩又作萋石鼓文弟五鼓雷雨上古文苑
所載有萋萋二字楊慎拓本無之

終南何有 施于中谷

終南篇終南何有傳終南周之名山中南也正義曰地理

志稱扶風武功縣東有大山古文以爲終南昭四年左傳
曰荆山中南九州之險是此一名中南也案此毛傳改字
之例終古文中今文左傳中南說苑引作終南趙襄子伐
翟取左人中人淮南子道應訓作尤人終人此終中字通
之證毛詩中字甚眾葛覃曰施于中谷

有紀有堂 邦家之基 自堂徂基

有紀有堂傳紀基也案毛謂紀爲基之假借毛詩彼其之
子韓詩作彼已之子節南山式夷式已釋文已鄭音紀周
頌夙夜基命宥密釋文作其云本亦作基是已紀其基並
通用南山有臺曰邦家之基絲衣曰自堂徂基

交交黃鳥 交交桑扈 桃之夭夭 天之沃沃

李先生曰黃鳥交交黃鳥小宛交交桑扈傳竝曰交交小兒案交交卽天天也桃夭傳天天其少壯也隰有萋楚傳天少也少與小是一義禮記少儀釋文少猶小也是也白華箋妖大之人釋文妖本又作姣妖之作姣猶交之作天也又莊子大宗師善天善老釋文天崔本作狡樂記注亂氣狡憤釋文狡本又作交是天姣交竝通用先生立節底行一芥不苟取玉樹弱冠失怙賴先生以道義相助有所不爲光緒丙戌先生由海道入都卒於登州偶檢舊藪得先生說詩十數紙釋其合於毛詩異文者錄而存之

百夫之防 實方實苞

百夫之防傳防比也案比謂齊等也荀子不苟篇天地比
楊倞注比齊等也百夫之防謂一人可以齊等百夫也防
爲方之段借故釋文云防毛音方生民實方實苞箋方齊
等也史記孔子世家其先宋人也曰孔防叔漢書古今人
表作方叔此防方字通之證說文防从自方聲

子之湯兮 其流湯湯 蕩蕩上帝

陳風宛丘子之湯兮傳湯蕩也箋云遊蕩無所不爲案湯
爲蕩之段借釋文湯舊它浪反是也湯與蕩古字通用論
語君子坦蕩蕩釋文魯論讀坦蕩爲坦湯莊子天墜篇釋
文沃湯司馬本作沃蕩史記秦本紀遣兵伐蕩社徐廣曰

蕩一作湯漢書地理志陳畱浚儀睢水首受狼湯水水經
睢水注作蕩蕩水說文水部蕩水出河內蕩陰羊部文王
拘羗里在湯陰漢志河內郡蕩陰師古曰蕩音湯皆其證
楚辭離騷注白帖六御覽地部十八引詩子之蕩兮蕩與
蕩蕩上帝之蕩同序云遊蕩無度蕩箋云蕩蕩濃度廢壞
之貌沔水其流湯湯傳云言放縱無所入傳蓋讀湯爲放
蕩之蕩

越以醴邁

對越在天

子曰何其

曰止曰時

東門之枌越以醴邁傳越於也清廟對越在天箋越於也
園有桃子曰何其箋云曰於也案尙書曰若稽古薛季宣

古文尙書本作粵若稽古般庚上越其罔有黍稷釋文越
本又作粵音曰於也爾雅釋詁粵於也清廟正義引作越
於是曰越粵竝通用說文粵于也審慎之詞周書曰粵三
日丁亥今書作越三日丁巳曰越訓於竝粵之聲借字七
月曰爲改歲釋文曰音越曰殺羔羊釋文曰音越賓之初
筵曰旣醉止釋文曰音越下是曰皆同皆字通之證絲曰
止日時箋云卜從則曰可止屏於是是日時之曰鄭訓爲
於

越以融邁 融假無言 素絲五總 總角之宴 總

角卅兮 百祿是總

越以𦣻邁傳𦣻數也釋文𦣻子公反案說文兩部𦣻補屬
𦣻訓數乃總之假借羔羊素絲五總傳總數也釋文總子
公反數當讀如數咿之數數密也數咿爾雅曰緹咿𦣻之
爲數猶數之爲緹箋正讀𦣻爲總云𦣻總也於是以總行
欲男女合行亦數密之義箋中毛非易毛合者聚也民勞箋合
也說文糸部總聚束也甫曰總角廿兮傳總角聚兩髦也
長發百祿是總釋文總本又作𦣻音宗正義曰於是總聚
而歸之總竝訓聚烈祖𦣻假無言傳𦣻總也毛卽讀𦣻爲
總故正義曰𦣻總古今字之異也正義又曰諸侯總集而
升堂總集與總聚義同岷總角之宴傳總角結髮也結亦

聚束之義九戔傳釋文縷字又作總魚麗正義庶人不摠
呂崔靈恩集注本摠作縷莊子則陽是稷稷何爲者耶釋
文稷音摠字亦作摠

廣韻總重
文作摠

皆稷總字通之證

其葉牂牂

兼葭蒼蒼

犧尊將將

東門之楊其葉牂牂傳牂牂然盛貌案牂乃蒼之假借秦
風兼葭蒼蒼傳蒼蒼盛也箋云蒼蒼然彊盛說文牂从羊
片聲蒼从艸倉聲片聲倉聲之字粗通書益稷鳥獸踰踰
說文引作鳥獸踰踰踰倉聲片聲也牂又與將通禮記
內則炮取豚若將注將讀爲牂正義曰將牂聲相近易林
革云南山之楊其葉將將將即牂牂也閼宮犧尊將將

正義曰將將然盛美將聲倉聲亦通如鷓鷯鷓鷯將將鏘鏘之類是也

其葉肺肺 萑葦泝泝 荏菽旃旃

其葉肺肺傳肺肺猶泝泝也案上章傳云泝泝然盛貌則肺肺亦當爲盛貌矣小弁萑葦泝泝傳泝泝也眾盛是一義生民荏菽旃旃傳旃旃然長也正義云旃旃旃旃旃旃皆言生長茂盛之貌案說文肺旃皆从艸聲卽艸之增文說文艸艸木盛艸然讀若輩泝从舛聲亦與艸聲之字通棫樸傳泝舟行貌楚辭九歌泝吾棹兮桂舟注泝行貌說文述行貌泝述之通作泝亦猶肺旃之通作泝矣采

菽其旂泝泝卽彼廡旒斯胡不旃旃之旃也

明星哲哲 庭燎晰晰

明星哲哲傳哲猶煌煌也釋文哲之世反庭燎庭燎晰晰傳晰晰明也釋文晰本又作哲之世反案文選張平子東京賦庭燎哲哲與釋文又作本合說文有哲無晰晰卽哲之別體玉篇日部晰之逝切明也重文作哲廣韻十三祭哲星光也亦作晰十七薛哲光也旨熱切重文作晰易大有明辨哲也釋文哲王虞作晰

夫也不良 王命傅御

說文夫丈夫也傅相也墓門夫也不良夫爲傅之段借傳

云夫傅相也卽讀夫爲傅。崧高王命傅御箋云傅御武王治事謂冢宰也。正義曰左傳曰鄭伯傅王是謂輔相。王事者爲傅也。禮記郊特牲夫也者夫也。鄭注夫或爲傅是夫傅字通之證。

有鴉萃止 翩彼飛鴉 爲臬爲鴟

有鴉萃止傳鴉惡聲之鳥泮水翩彼飛鴉傳鴉惡聲之鳥也。瞻卬爲臬爲鴟箋云臬鴟惡聲之鳥。案說文木部臬不孝鳥也。日至捕臬磔之。从鳥頭在木上。鳥部鴉鴟鴞窻鴞也。从鳥号聲。爾雅釋鳥鴟鴞鴞又曰臬鴟。爾雅說文鴟與臬判然二物。文選陳孔璋檄吳將校部曲注引韓詩傳

日鷓鴣寧鳩鳥名也鷓鴣所以愛養其子者適以病之愛
養其子者謂堅固其窠巢病之者謂不知託於大樹之上
反敷之葦蒿風至蒿折巢覆有子則死有卵則破是其病
也爾風傳鷓鴣鷓鴣也無能毀我室者以其攻堅之故也
與韓詩堅固其巢之說合陸璣詩疏云鷓鴣似黃雀而小
取茅秀爲巢幽州人謂之鷓鴣或曰巧婦或曰女匠關東
謂之工雀或謂之過麻關西謂之桑飛方言自關而東謂
之鷓鴣自關而西謂之桑飛據韓詩陸疏鷓鴣卽鷓鴣爾
雅桃蟲鷓其雌鳩郭注桃雀也俗呼爲巧婦巧婦之名與
陸疏合易林云桃雀竊脂巢於小枝搖動不安爲風所吹

與韓詩說合然則鴉卽鴟鴞鴞鴞卽鸛鸛鸛卽鸛鸛又
有桑飛巧婦工雀過羸桃蟲桃雀諸名鴟鴞卽鸛之合聲
郝懿行說此非惡聲之鳥毛以鴉爲惡聲之鳥者謂鴉卽臬之
假借也臬食母不孝鳥一名鴟爲三鴟之一其性惡其聲
亦惡是爲不祥之鳥陳佗爲文公子文公卒佗殺太子免
自立無父甚矣故詩人以不孝鳥比之毛不破字合贍卽
箋觀之鴉爲臬之段音自見謂鴉臬字通則可謂鴉臬一
鳥則不可佛本行集經卷二十七音義引字林臬鸛鸛也
形似鴉而青白出於山卽惡聲鳥也楚人謂之服鳥亦鴟
類也山東名鸛鸛俗名巧婦呂忱蓋誤合鴉臬爲一鸛鸛

巧婦乃鴟鴞也與不孝之梟不祥之服迥不相涉周公以
鴟鴞自喻瞻卽以梟比褒姒以詩證詩其非一鳥蒙無疑
義郭璞以鴟鴞鷓鴣爲鴟屬詩集傳以鴟鴞爲鴟鷃惡鳥
其說均誤劉向九嘆云鴟鴞集于木蘭王逸注貪鳥也漢
書賈誼傳鸞鳳伏竄兮鴟鴞翱翔鴟鴞皆卽鴟梟之段音
史記屈賈列傳作鴟梟翱翔是其塙證陸璣疏云鴟大如
斑鳩綠色惡聲之鳥也入人家凶賈誼所謂鵬鳥也其肉
甚美可爲羹臠又可爲炙漢供御物各隨其時唯鴟冬夏
常收之以其美故也陸元恪所謂鴟卽是梟以毛詩本是
鴟字仍之不改漢書郊祀志注引如淳曰漢東郡送梟五

月五日作梟羹賜百官梟羹卽鴟羹也晏子春秋內篇襍
下公曰有梟吾惡之甚又云今昔聞鴟聲乎鴟當陞布翌
伏地而死孫星衍音義曰鴟者梟之段音梟與鴟實二鳥
鴟與梟皆聲相近故假鴟鴟字爲之此說甚爲分析

勞心慘兮 憂心慘慘 慘慘日瘁 或慘慘劬勞

或慘慘畏咎 我心慘慘 念子慄慄

說文心部慘毒也慄愁不安也毛詩多假慘爲慄月出勞
心慘兮釋文慘七感反慄也案慘與照燎紹韻乃慄之段
音不當音七感反正月憂心慘慘傳慘慘猶戚戚也慘古
讀若慄戚古讀若造以音近爲訓與衛衛猶沖沖也糾糾

猶繚繚也

糾占音矯

同例雨無正慘慘日瘁唐石經作慘慘釋

文正義本作憊憊箋云憊憊然憂之慘與憊皆憊之段借
北山或慘慘劬勞或慘慘畏咎傳箋疏於慘慘無釋釋文
云慘字又作憊抑我心慘慘傳慘慘息不樂也五經文字
心部作我心憊憊白華念子憊憊箋云念之憊憊然正義
本作慘慘釋文憊憊七感反說文七倒反云愁不申也亦
作慘慘毛詩本古文作慘始與全詩之例相符其字爲慘
其音爲憊陸元腹就慘字本音讀之非也戴震毛鄭詩考
正謂慘皆憊之譌字亦非也莊子天下篇以參爲驗釋文
參本又作操詩本音曰漢人文多以臬爲參墨子一人奉

水將灌之一人摻火將益之操字作摻夜間鼓聲而諺謀
字作諺大戴記摻泥而就家人晏子春秋擁札摻筆操字
作摻漢書王莽傳郭欽封剝胡子西域傳作剝胡子禮記
玉藻注燥頭儀禮士喪禮注作慘頭李翕析里橋郝閑頌
燥字作慘荆州從事苑鎮碑藻字作蔘而檀弓蔘幕魯也
讀爲綃蓋亦綃之異文矣此可爲慘燥字通慘非譌字之
證

碩大且卷 其人美且鬣

澤陂碩大且卷傳卷好兒案卷乃鬣之省文說文髟部鬣
本訓髮好引伸之凡好皆可謂之鬣也齊風其人美且鬣

傳鬢好兒都人士卷髮如蠶卷亦鬢之段借或曰陳風之卷齊風之鬢皆當作媿釋文卷本又作媿還釋文韓詩媿好兒廣雅媿好也玉篇媿好兒廣韻媿美兒

日出有曜 熠燿宵行 熠燿其羽

榆風羔裘日出有曜傳云日出照曜正義曰日出有光照曜之時東山熠燿宵行正義云熠燿者螢火之蟲飛而有光之貌熠燿其羽箋云羽鮮明也案說文日部無曜火部有燿云照也曜卽燿之別體燿作曜與煖作暖炳作炳焯作焯同玉篇火部燿光也與曜同日部曜照也亦作燿穀梁春秋序七燿爲之盈縮釋文燿木又作曜賢劫經音義

耀古文耀同史記司馬相如傳獲耀日月之末光絕炎漢

書作獲耀無羊傳騫曜也

集注本

小箋謂曜卽大胃耀後之

耀

棘人樂樂兮 穢狃孔棘 維其棘矣 孔棘且殆

匪棘其欲 俾民大棘 孔棘我國 匪疚匪棘 我

是用急 旣亟只且 亟其乘屋 爾之亟行 經始

勿亟

素冠棘人樂樂兮傳棘急也采薇穢狃孔棘出車維其棘
矣雨無正孔棘且殆文王有聲匪棘其欲江漢匪疚匪棘
箋竝曰棘急也抑俾民大棘箋云民之財匱盡而大困急

桑柔孔棘我圍箋云甚急矣我之禦寇之事北風既亟只

且傳亟急也七月亟其乘屋靈臺經始勿亟箋竝曰亟急

也何人斯爾之亟行箋亟疾也疾急義同案棘借字亟正字說

文棘小叢叢生者从竝東亟敏疾也又說文云極疾也極

急也音義竝同匪棘其欲釋文作亟云或作棘爾雅釋詁

亟疾也釋文亟字又作苟同居力反說文苟自急救也从

奇字不同經典亦作棘同是棘亟字通之證六月我是用急急

與飭服國不韻古當作棘謝靈運撰征賦宣王用棘於獵

猶用詩言而字作棘鹽鐵論引詩作我是用戕戕爲械之

省素冠正義云棘亟釋言文彼棘作械音義同崔集注本

作愀人樂樂兮

樂子之無知 實維我特

關有甚楚樂子之無知傳知匹也知匹釋詁文案知乃特之段借靡風栢舟篇實維我特傳特匹也靜女搔首跣跣說文繫傳作搔首詩踞特與詩說文皆从寺聲知之通作特猶跣之通作詩矣特古當讀若寺

誰將西歸懷之好音

匪風誰將西歸懷之好音傳懷歸也案毛卽讀懷爲歸歸字承上誰將西歸而言阮氏所謂憲同字變皇矣予懷明德傳懷歸也泮水懷我好音箋懷歸也懷皆歸之段音禮

記緇衣私惠不歸德注歸或爲懷此歸懷字通之證文選
上林賦汨隱漂疾悠遠長懷寂寥無聲隸乎禾歸郭璞曰
懷亦歸變文耳意同文變漢人尙有此例先君曰王風揚
之水懷哉懷哉曷月于還歸哉懷卽歸之變文歸哉歸哉
迫欲歸也曷月于還歸哉未知何時歸也

於我歸處 於我歸息 於我歸說 于何從祿

曹風蜉蝣於我歸處於我歸息於我歸說案我皆何之段
音與于何從祿文義相類箋云君當於何依歸乎止讀我
爲何此鄭君改字之例邠風人之無良我以為兄韓詩外
傳作何以爲兄是我與何字通用周頌假以溢我襄二十

七年左傳作何以恤我說文言言部作誠以謚我何之通作

誠猶何之通作我矣

說本詩
經平議

蒼兮蔚兮 宛彼鳴鳩

候人蒼兮蔚兮箋云蒼蔚之小雲正義曰蒼兮蔚兮之小雲案蔚當讀爲鬱乃宛之假借字也小宛宛彼鳴鳩傳宛小貌宛古亦讀若鬱後漢書仲長統傳彼之蔚蔚皆胸馬腹詛注蔚與鬱古字通禮記內則兔爲宛脾注宛或作鬱是蔚鬱宛竝通用廣韻八物斲苑尉蔚同音紉物切

其弁伊騏 縞衣綦巾

尸鳩其弁伊騏傳騏綦文也

釋文正義作綦文小字
本相臺本皆作騏文

鄭風

出其東門縞衣綦巾傳綦蒼艾色箋云綦綦文也案毛訓

騏為綦文以騏為綦之段借彼傳已云綦蒼艾色此云綦

文自知其為蒼艾色矣說文騏馬青黑騏文如綦也段氏本

騏綦同色與宅處段借但取音近者不同小戎駕我騏驎

傳騏綦文也正義作綦文釋文作騏文謂騏馬之文如綦布之文也與

戶鳩傳言段借者義別說文無綦引詩縞衣縵巾縵帛蒼

艾色也正義引書顧命四人騏弁執戈注云青黑曰騏魯

頌正義及尚書釋文引馬本馬注字竝作騏顧命正義引

鄭注青黑曰綦出其東門正義引顧命經注字竝作綦是

騏綦字通

其儀不貳 無貳爾心

其儀不貳傳貳疑也正義曰釋言文執義如一無疑貳之心釋文貳他得反案釋言無貳疑之文當是釋詁之屬今釋詁作貳疑也郭注有貳心者皆疑也國語晉語不可以貳貳無成命注貳疑也大明無貳爾心箋云無有疑心亦訓貳爲疑禮記緇衣引詩其儀不貳釋文貳本又作貳音二三家詩當有作其儀不貳者貳正字貳借字孔冲遠知貳爲貳之借字故云無疑貳之心周語平民無貳大射儀注作平民無貳釋訓晏晏旦旦悔爽貳也爽貳詩氓篇作爽貳皆貳貳字通之證禮記月令無或差貸釋文貸音二

又他得反又月令云毋有差貸釋文貸音二又他得反是
貳可讀貳之證卽作其儀不貳亦未嘗不與棘國韻也自
古音十七部之說起論者多謂貳貳音不相通王引之於
氓之士貳其行都人士序之衣服不貳繙衣之其儀不貳
中庸之其爲物不貳左傳之不可以貳不能苟貳臣不敢
貳好學而不貳不貳其命國語之成事無貳平民無貳諸
貳字盡斥爲資字之譌何經典中譌字之多乎欲成已說
盡改經文亦太忍也段玉裁六書音均表貳聲隸弟一部
說文貳从
心弋聲貳聲隸弟十五部貳从貝弋聲
貳古文二楚茨戒備位告
爲韻戒備今音弟十五部告音弟一部位弟十五部也文

王已子世士爲韻已子士弟一部世弟十五部也桑采資
疑維階爲韻疑弟一部資維階弟十五部也莊子在宥篇
如是乎喜怒相疑愚知相欺善否相非誕信相譏疑欺弟
一部非譏弟十五部也百里奚妻歌以雌韻時時弟一部
雌弟十五部也則二部古相通矣何獨弋聲弋聲之字不
可通乎玉篇虫部蠚重文作武蠚亦武貳字通之證

二之日栗烈 冽彼下泉 有冽汎泉

幽風七月二之日栗烈傳云栗烈寒氣也案栗烈二字皆
古文段借栗說文作鍊曹風下泉冽彼下泉傳冽寒也正
義作例引二之日栗烈作栗例云冽字从冰是遇寒之意

故爲寒也大東有冽汎泉傳冽寒意也正義作冽引二之
日栗烈作栗冽云說文冽寒見故字从冰今說文欠部無
冽據孔氏說許書本有冽今脫之段玉裁改說文灑篆爲
冽又引字林冽字在大
楷字林考逸
有冽無冽說文冽清水也烈猛火也此本義訓寒借義
玉篇冽寒氣也木毛傳釋文栗烈說文作颯颯案說文風
部颯風雨暴疾也从風利聲讀若栗颯烈風也从風列聲
讀若烈叔重於颯颯下未引詩讀若栗烈者擬其音也颯
乃烈風之正字非栗烈之正字

田峻至喜七月甫
田大川

吉饌爲饌

可以饋饌

大禧是

承

七月田峻至喜毛於喜無釋箋云喜讀爲饎饎酒食也耕者之婦子俱以饎來至於南晦之中其見田大夫又爲設酒食焉市田大田田峻至喜箋皆云喜讀爲饎饎酒食也案爾雅釋訓饎酒食也釋文饎舍人本作喜詩正義引李巡曰得酒食則喜歡也是李巡本亦作喜說文食部饎从食喜聲然則田峻至喜喜乃饎之省文王子邕喜讀如字名曰申毛實則難鄭孫毓黨於王氏斥鄭改易經字蓋考舍人李巡爾雅本耶吳大澂說文古籍補云古饎字不从食耶敦喜帝文王陳介禊說喜帝卽饎禘省文饎又作糈說文饎重文作餽糈天保吉蠲爲饎洞酌可以饎饎傳並

曰館酒食也。𠂔鳥大糒是承傳糒黍稷也。楚茨曰：我黍與
與我稷翼翼。以爲酒食。信南山曰：黍稷彧彧。曾孫之穡以
爲酒食。黍稷所以爲酒食。故訓糒爲黍稷。玉篇食部：餼，充
志切。酒食也。黍稷也。米部：糒，與餼同。特性：饋食禮。主婦視
餼，饔于西堂。下注古文餼作糒。

猗彼女桑 伐木猗矣

猗彼女桑，傳角而束之曰猗。案角卽折字。廣雅：猗，猗也。猗
卽猗之。段借正義曰：襄十四年左傳：譬如捕鹿，晉人搆之。
諸戎猗之。猗，角皆截遮束縛之名也。故云角而束之曰猗。
孔氏正讀猗爲猗。說文手部：猗，偏引也。漢書息夫躬傳：躬

倚棘注倚從後引之也今人伐木者慮其橫仆以繩束其頭而牽引之小弁伐木倚矣傳伐木者倚其頭倚正拗而束之之謂

十月穫稻 是刈是漉

十月穫稻穫非刈穫之穫上章明言八月其穫則不待十月可知下章十月納禾稼箋云納內也治於場而納之困倉也亦非言十月始穫箋云穫稻以釀酒語意甚渾正義亦無說蒙謂穫當爲漉之段借葛覃是刈是漉傳漉露也漉當作鑊說文鑊鑊也鑊本鑿器因之鑿亦曰鑊爾雅釋訓是刈是鑊釋文鑊本又作漉唐開成石經宋雪窗本皆

作是刈是穫臣工傳銓穫也釋文穫本又作鑊是穫獲鑊
竝通用穫稻以釀酒謂鬻稻以釀酒

八月斷壺 齒如瓠犀 甘瓠繫之 幡幡瓠葉

八月斷壺傳壺瓠也案壺卽瓠之古文段借衛風齒如瓠
卽小雅甘瓠繫之幡幡瓠葉字作瓠後漢郡國志河東郡
垣有壺邱亭注左傳襄元年晉討五大夫實諸瓠邱杜預
曰縣東南有壺邱亭穉雅釋器康瓠謂之瓠注瓠壺也釋
木瓠壺瓠注今江東呼瓠大而銳上者自壺壺猶瓠也釋
文引孫炎曰瓠形上小下大似瓠故曰壺此壺瓠字通之
證楚辭招魂兮靈若壺王逸注壺乾瓠也鴨冠子中流矢

船一壺千金陸佃注壺瓠也皆謂段借

亟其乘屋

維禹甸之

信南山
韓奕

亟其乘屋箋云乘治也案乘乃甸之段借信南山維禹甸之傳甸治也韓奕傳同箋云信乎彼南山之野禹治而甸之釋文甸鄭繩證反正義曰甸之爲字旣訓爲治音又爲乘以治其地使成平田則訓爲治以方十里出兵車一乘故又音爲乘也地官小司徒云四丘爲甸注云甸之言乘也讀如中甸之甸稍人云掌令丘乘之政令注云丘乘四丘爲甸甸讀與維禹隳之之隳同其訓曰乘由是改云又禮記郊特牲丘乘共棗盛注云甸或謂之乘是甸乘字

通治在野之田曰甸治在野之廬亦曰甸其義一也

朋酒斯饗 以無陪無卿

朋酒斯饗傳兩樽曰朋案兩樽曰朋與兩貝爲朋皆陪之
段借陪者貳也貳者二也二卽兩矣鄭注少牢饋食禮以
二尊爲兩貳是也大雅薦以無陪無卿傳以貳爲陪貳正
義曰陪貳卽副貳考朋與鵬皆卽古文鳳字借爲朋黨字
其正字當作朋周禮士師七曰爲邦朋故書朋作朋朋卽
朋之俗說文朋輔也讀若陪朋有陪音故借作陪也又說
文鄰讀若陪漢書周繆傳更封繆爲鄰城侯呂忱音陪王
碑傳南山羣盜備宗晉灼曰備音陪作倍音非皆其證

鬻子之閔斯 昔育恐育鞠

鴟鴞鬻子之閔斯傳鬻稚也案說文鬻健也从粥米卽今
粥字毛云稚者蓋讀鬻爲育說文去部育養子使作善也
从去因聲虞書曰教育子重文作毓史記五帝本紀作教
稚子邶風昔育恐育鞠箋云昔育之育稚也鬻古文育今
文孟子大王事獯鬻史記周本紀作蕞育禮記樂記毛者
孕鬻淮南子原道訓作孕育文選王子淵洞簫賦鬻博備
呂頤頤注鬻夏育也古字通莊子惠充符四者天鬻也釋
文鬻音育養也

或敢侮予 無不爾或承 如或結之 靈或滅之

或睨或否 或哲或謀或肅或艾 尙或先之 尙或
瑾之 如或醜之 或剝或亨或肆或將 或黃或白
或來瞻女 正域彼四方 肇域彼四海 南有穆

木

或敢侮予箋云靈有敢侮慢欲毀之者乎天保無不爾或
承箋云或之言有也正月如或結之靈或滅之箋云如有
結之者靈有能滅息之者小旻或睨或否或哲或謀或肅
或艾傳云人有通罪者有不能者亦有明哲者有聰謀者
有恭肅者有治理者小弁尙或先之尙或瑾之箋云尙有
先驅走之者尙有掩覆之成其瑾者如或醜之正義云如

有人以酒相醕楚茨或剝或亨或肆或將箋云有解剝其皮者有煑孰之者有肆其骨體於俎者或奉持而進之者裳裳者華或黃或白箋云或有黃者或有白者良耜或來瞻女箋云有來視女乎鳥正域彼四方傳域有也肇域彼四海正義中毛云然後始有彼四海案說文戈部或重文作域或域本一字故或訓有而域亦訓有也或域訓有卽有之古文段借長發九有有截晉書樂志作九域有截乎鳥奄有九有韓詩作奄有九域是域有字通書洪範無有作好無有作惡呂覽貴公篇有作或無逸乃或亮陰史記魯世家或作有亦罔或克壽漢書鄭崇傳或作有是或有

字通詩有字甚多周南曰南有樛木

予所蓄租 不我能愉

予所蓄租毛訓租爲爲未釋蓄字正義云是予之所蓄爲
案蓄爲愉之段借愉者興也興者作也邶風谷風不我能
愉傳愉興也說文愉起也

予所蓄租 敝予又改作兮 中軍作好 厥作裸將

天作之合 帝作邦作對 世德作求 俾晝作夜

以作爾寶 吉甫作誦 作召公考

予所蓄租傳租爲也釋文租子胡反又作祖如字正義曰
祖訓始也物之初始必有爲之故訓爲也玉樹案正義說

非也毛蓋讀租爲作租與祖皆作之段借字也緇衣敝子
又改作兮清人中軍作好大明天作之合皇矣帝作邦作
對下武世德作求嵩高以作爾寶吉甫作誦江漢作召公
考箋竝訓作爲爲蕩俾晝作夜傳訓作爲爲文王厥作祿
將正義訓作爲爲爾雅釋言作爲也作字古讀若詛故借
租爲作蕩侯作侯祝釋文作側慮反注同本或作詛正義
曰作卽古詛字毛詩古音攷曰作音詛凡作見於詩者除
如字外餘皆讀詛谷風旣阻我德太平御覽資產部八百
三十五引韓詩作旣詐我德詐之通作阻作之通作詛亦
猶作之通作租與祖矣

惛惛不歸

遠條且

驅馬悠悠

悠悠蒼天

黍離
鴝羽

山川悠遠

於乎悠哉

東山惛惛不歸傳惛惛言久也案說文心部惛喜也惛無久義文選王仲宣從軍詩注引毛詩滔滔不歸說文泗水漫漫大貌亦無久義惛當讀若條南山經條風自是出呂氏春秋有始覽作滔風是滔條古字通椒聊遠條且傳條長也長與久是一義長發箋長猶久也是也惛又爲悠之借字漢書敘傳班固幽通賦云安惛惛而不施兮卒墮身虛世旣注引論語滔滔者天下皆是也今論語作滔滔釋文曰滔滔鄭本作悠悠集解引孔曰滔滔周流之貌文選

于寶晉紀總論注引孔安國曰悠悠周流之貌史記孔子
世家亦作悠悠者天下皆是也是惛惛悠古字並通漸漸
之石篇山川悠遠箋訓悠遠爲長遠載馳驅馬悠悠傳悠
悠悠見黍離悠悠蒼天傳悠悠遠意鶴羽悠悠蒼天正義
悠悠乎遠者訪落於乎悠哉傳悠遠也遠與久亦是一義
鴛鴦箋遠猶久也禮記中庸言悠遠又言悠久是也悠字
又當作悠說文悠長也易其欲逐逐荀作悠悠劉作悠云
遠也是古音彼今音式竹切文選魏武帝苦寒行悲彼東山詩悠悠
使我哀注引詩我徂東山滔滔不歸魏志文帝紀注引文
帝詩豈如東山詩悠悠多慰傷今東山詩有惛惛無悠悠

則悠悠卽惛惛矣三家詩必有作悠悠不歸者故孟德父

子用之毛公亦止讀惛惛爲悠悠也悠與條亦通

說見蟋卷四

蟀日月其惛惛過也惛當讀如攸攸行也謂行而過也

烝在粟薪 予又集于蓼 以薦茶蓼

烝在粟薪傳烝眾也言我心苦事又苦也案心苦承上有
敦瓜苦而言事苦指粟薪而言粟乃蓼之段借韓詩作烝
在蓼薪是粟蓼字通蓼薪謂以蓼爲薪猶言桑薪柞薪蓼
味苦故言事苦小志子又集于蓼傳言辛苦也箋云予又
會於辛苦良耜以薦茶蓼傳蓼水草也箋云薦去茶蓼之
事言閱其勤苦薪蓼則曰事苦集蓼則曰會於辛苦薦蓼

則曰閔其勤苦義正相類小志正義云蓼者辛苦之菜爾
雅釋艸蒿虞蓼郭注虞蓼澤蓼說文蓼辛菜蒿虞也良耜
正義引某氏曰蒿一名虞蓼孫炎曰虞蓼是澤之所生蕪
文類聚八十二引吳氏本草云蓼實一名天蓼一名野蓼
一名澤蓼案蓼卽今紅蓼華初生時可以爲菜內則烹炆
用蓼及高大可以爲薪又有馬蓼亦是蓼類陸璣疏云游
龍一名馬蓼葉大而赤白色生水澤中高丈餘韓作蓼正
字毛作栗借字薛君章句訓蓼爲焮失之正義申毛以析
薪釋栗薪亦失之

九十其儀 或出入風議

九十其儀傳云九十其儀言多儀也箋云父母既戒之庶
母又申之九十其儀喻丁噓之多案此毛鄭異義也曰申
曰戒曰丁噓皆言教命之詞古儀與議同鄭以丁噓釋儀
蓋讀儀爲議說文言部議語也廣雅釋詁議言也北山或
出入風議風議卽是放言箋云風猶放也正義以議爲議非箋意漢書谷永
傳注丁寧再三告示也玉篇口部叮噓噓付也丁噓與威
儀義不相涉正義釋箋云喻其威儀丁噓之多混毛於鄭
失鄭意矣斯于傳云婦人質無威儀此傳復云多儀自相
矛盾鄭知其說之未安故易之正義引士昏禮父曰戒之
敬之夙夜無違母曰勉之敬之夙夜無違庶母曰敬恭聽

宗爾父母之言夙夜無嘗此卽鄭氏所謂丁嚙之多也易
繫辭傳議之而後動釋文議之陸姚桓苟本作儀之惠棟
本作儀云儀度也將舉事必先度之儀禮有司徹其胥體
儀也注今文儀皆作臙或作議國語鄭語伯翳能議萬物
以左舜者也漢書地理志議作儀晏子春秋外篇博學不
可以議世墨子非儒篇議作儀汪中經義知新記周語上
下儀之宋本作議此儀議字通之證北山或出入風議正
議曰定本集注竝作議俗本作儀者誤也蒙謂作儀非誤
與東山篇皆段儀爲議也斯干無非無儀儀卽議之段字
言其無可非議也傳箋竝失之

四國是皇 不皇朝矣 不皇出矣 不皇他矣 以

匡王國 既匡既勅

破斧四國是皇傳云皇匡也箋云東伐此四國誅其君舉正其民人而已正義曰釋言云皇匡正也傳以皇爲匡箋又轉爲正案皇爲匡之段借讀詩記引齊詩作四國是匡說文匡从仁圭聲圭說文云讀若皇故皇段爲匡六月以匡王國傳匡正也楚茨既匡既勅正義申毛釋匡爲誠正漸漸之石不皇朝矣箋云皇正也小字本役人罷病不能正荆舒使朝於王不皇出矣箋云不能正之令出使聘問於王不皇他矣箋云不能正之令其守職不干王命皇皆匡

之段借釋言皇匡訓正亦猶律適訓述試式訓用樂罔訓
禁皆相通之字

四國是吡 式訛爾心

四國是吡傳吡化也釋文作訛云本亦作吡正義曰吡化
釋言文今釋言作訛化郭注引詩四國是訛節南山式訛
爾心箋訛化也案說文有吡無訛訛卽吡之別體無羊或
寢或訛玉篇口部引作或寢或吡說文吡訓動訓吡爲化
卽化之段借字化字古亦讀如吡也漢書天文志與人逢
還訛言史記天官書作逢倍化言是其證索隱以化爲訛
之誤說非是

邊豆有踐 實始剪商

伐柯邊豆有踐傳踐行列貌案踐乃剪之段借釋言剪齊也闕宮實始剪商傳剪齊也剪訓齊故爲行列之貌言邊豆之行列剪然而齊也禮文王世子不踐其類周禮甸師注作不剪其類玉藻弗身踐也鄭注踐當爲剪尙書序曰遂踐奄鄭注踐讀曰剪史記孝文帝紀皆無踐服虔曰踐剪也甘棠勿剪勿伐韓詩作勿剪勿伐儀禮既夕經剪准剪後也今文剪作後此踐剪字通之證剪當作制俗作剪制所以齊物故訓齊實始剪商謂整齊商室鄭氏不達毛指訓剪爲斷古公遂爲千古舉人而訓剪爲福訓剪爲勤之異說起矣

鴻飛遵渚 鴻飛遵陸 我心匪鑿 如匪澣衣 匪

我思存 匪舌是出 匪其止共 匪飢匪渴 匪居

匪康 匪用爲教 匪用其良 匪安匪舒 匪紹匪

遊 莫匪爾極 天命匪解

飛匪非字竝通用考工記梓人且其匪色必似鳴矣注故
書匪作飛文選盧子諒贈崔溫詩徒煩飛子御注非與飛
古字通漢藝長蔡君頌飛陶唐氏其孰能若是孔耽碑飛
其學也皆以飛爲非孟子飛廉史記秦本紀作蜚廉周本
紀蜚鴻滿野正義曰蜚古飛字漢書楊雄傳注蜚古非字
玉篇兩部非重文作蜚皆其例九戩鴻飛遵渚鴻飛遵陸

飛皆非字之段音說文鴻鵠也漢高帝歌鴻鵠高飛一
舉千里賈生惜誓云鴻鵠一舉兮知山川之紆曲再舉兮
知天地之圓方非遵渚遵陸之鳥故傳曰鴻不宜循渚陸
非鴻所宜止一以非代飛一以不釋飛柏舟之如匪滌衣
出其東門之匪我思存爾無正之匪舌是出常武之匪紹
匪遊傳皆以不字釋匪字巧言之匪其止其車輦之匪飢
匪渴公劉之匪居匪康抑之匪用爲教桑柔之匪用其良
江漢之匪安匪舒思文之莫匪爾極桓之天命匪解箋皆
以不字釋匪飛之訓不猶匪之訓不矣匪之讀非毛詩不
可枚舉柏舟我心匪鑿箋云我心非如是鑿飛之爲非猶

匪之爲非矣正義釋毛云鴻者大鳥飛而循指非其宜飛讀如字未得毛指後儒以鴻爲鴻雁亦誤或謂毛傳無改字之例予曰不然君子偕老胡然而天也胡然而帝也傳云尊之如天審諦如帝易而爲如矣戰馳不如我所之傳云不如我所思之篤厚也易之爲思矣終南傳終南周之名山中南也易終爲中矣衡門傳衡門橫木爲門易衡爲橫矣小顛或聖或否傳云有通聖者有不能者易或爲有矣文王凡周之士不顯亦世傳云仕者世祿也易士爲仕矣蕩人尙乎由行傳云言居人上欲用行是道也易尙爲上矣于九罭傳之易飛爲非又何疑焉若干扞甲荆龍龍

威滅皇皇猶煌煌爲巋巋猶蒼蒼之類皆毛公改字之例但
不曰某讀爲某某讀若某此臨文繁簡之分西漢之異於
東漢者此也

毛詩異文箋卷六

鹽城陳玉樹

示我周行 實彼周行 實之河之干兮 實之河之

側兮 實之河之澗兮 實予于懷 誕實之隘巷

誕實之平林 誕實之寒冰

小雅鹿鳴示我周行箋云示當作實實置也人有以德善我者我則實之於周之列位卷耳實彼周行伐檀實之河之干兮生民誕實之隘巷傳竝曰實置也谷風實予于懷箋云實置也案示與實古字通禮記中庸治國其如示諸掌平注示讀如實之河干之實易坎實于叢棘釋文實劉作示叢棘傳注引作示于叢棘周禮朝士注示於叢棘釋

文示本又作寘荀子大略篇示諸彙括楊倞注示讀爲寘
說文無寘在新附中

視民不怵 示我周行 言示之事 示我顯德行

視民不怵箋云視古示字也釋文視音示案上章示我周
行釋文示毛如字正義申毛云示我以先王至美之道也
抑言示之事箋云親示以其事之是非敬之示我顯德行
箋云示道以顯明之德行賈誼新書禮容篇作視我顯德
行禮記曲禮上幼子常視毋詭注視今之示字也士昏禮
視諸衿槃注示之以衿槃者皆託戒使識之視乃正字今
文作示漢書高帝紀視項羽無東意師古曰漢書多以視

爲示古通用字王莽傳國奢則視之目儉目明好惡視四方用以視神以視諸蠻夷章視羣公市所賣漿伴肉羹視莽泣以視羣臣師古皆曰視讀曰示宣二年左傳以視於朝唐石經視作示昭十年傳引詩視民不佻釋文視如字詩作示鹿鳴釋文不言視本又作示猶爾雅釋天釋文蠓竦詩作東蠓竦釋文不言竦本又作東此可補毛詩音義之闕

皇皇者華

朱芾斯皇

采芑
斯千

明星煌煌

檀車煌煌

皇皇者華傳皇皇猶煌煌也正義煌煌然而光明采芑朱芾斯皇傳皇猶煌煌也斯千朱芾斯皇箋云皇猶煌煌也

東門之楊明星煌煌箋云大星煌煌然大明禮車煌煌傳
煌煌明也案皇煌古今文韓詩外傳三引詩皆作禮車皇
皇後漢書班固傳穆穆煌煌章懷注引詩穆穆煌煌今假
樂作穆穆皇皇

常棣之華 維常之華 唐棣之華

常棣之華常棣卽唐棣也詩考引韓詩序曰夫移燕兄弟
也藝文類聚木部引韓詩夫移之華萼不焯焯韓詩以常
棣爲移爾雅以唐棣爲移此常棣卽唐棣之證一也毛傳
云常棣棣也一本作常棣移也與韓詩合常棣傳以常棣
爲移何彼穠矣傳以唐棣爲移此常棣卽唐棣之證二也

爾雅曰常棣棣晨風傳曰棣唐棣也論語子罕篇唐棣之
華皇侃疏云唐棣棣樹也此常棣卽唐棣之證三也序云
常棣燕兄弟也漢書杜鄴傳注文選曹子建求道親親表
注引作棠棣燕兄弟謝宣遠安城苔靈運詩注引毛詩棠
棣之華姜伯淮碑齊民要術初學記友悌類並作棠棣之
華論語唐棣之華春秋榘露竹林篇文選廣絕交論注並
作棠棣之華此常棣卽唐棣之證四也後漢書郡國志山
陽郡方輿有武唐亭左傳隱二年注作武唐亭隱五年注
及水經注泗水篇作武棠亭管子小匡篇反其侵地常潛
魯語作棠潛山海經海外西經有樹名曰徕常淮南子墜

形訓謂之雜棠是常棠唐字竝通用常棣棠棣唐棣實一物說文常與棠竝從尙聲常之通作唐猶棠之通作唐也釋木唐棣移常棣棣蓋別一物二名與釋草椴木董椴木董相類椴椴一物也移棣亦一物也字一作唐一作常與釋魚鮪俯者靈仰者謝前奔諸果後奔諸獵相類諸者字通也唐常亦字通也爾雅連舉之字形異而音義同者甚多如訓大之訃字訓服之擇釋訓落之碩隕訓至之來戾訓台之伎郃訓高之嶠崇訓見之昭釗訓易之夷弟訓止之遏曷訓此之茲咨訓佞之壬任訓述之律適訓禁之禦圍訓用之式試訓厚之篤竺毗埤皆是何獨常唐之不可

通乎能讀爾雅斯可與言詩矣注疏家不明此理過於區
別更有疑爾雅與毛傳不合謂爾雅當作常棣移唐棣棣
者其誤滋甚善哉金壇段氏之言曰釋木曰唐棣移常棣
棣唐與常同音蓋謂其華赤者爲唐棣華白者爲棣一類
而錯舉故許云移棠棣也棣白棣也改唐爲棠改常爲白
以棣爲白則棠爲赤可知皆卽今郁李之類有子可食者
小雅常棣論語逸詩唐棣實一物也小雅傳曰常棣棣也
晨風傳曰棣唐棣也常與唐同字可證此說先得我心矣
采薇維常之華傳常常棣也常亦讀若唐唐又作糖玉篇
木部糖棣也

原隰哀矣 哀時之對 哀荆之旅 曾是培克

原隰哀矣傳哀聚也般哀時之對殷武哀荆之旅傳並曰
哀聚也大雅蕩篇曾是培克釋文培聚斂也傳云培克自
伐而好勝人也毛詩細義曰傳疑有誤釋文所載不分別
眾家者多是毛義釋文有聚斂也三字竊疑毛傳原本云
培聚斂也克自伐而好勝人也案說文無哀哀葢襄之別
體爾雅釋詁哀聚也釋文哀古字作喪或作攄說文攄引
取也玉篇作引聚引詩原隰攄矣云攄聚也本亦作哀培
說文訓把又云今鹽官入水取鹽為培培借字攄正字哀
俗字易擘君子以哀多益寡釋文哀鄭荀董蜀才作攄云

取也字書作培玉篇培蒲溝切把也易曰君子以培多益寡培猶減也本亦作裒是裒培字通之證

兄弟求矣 以爲民迷

兄弟求矣傳曰求矣言求兄弟也箋云原也隰也以相與聚居之故能定高下之名猶兄弟相求故能立榮顯之名案相求卽是相聚求與迷同說文迷斂聚也大雅民勞以爲民迷傳迷合也箋云合聚也箋意蓋以原隰之相聚喻兄弟之相聚詩義述聞曰萬福來求求與迷同迷聚也言萬福來聚也凡詩言萬福攸同福祿旣同百祿是邁百祿是總竝與此同義說文迷斂聚也虞書曰旁迷屏功史記

作芻聚布功大雅民勞傳逖合也箋云合聚也是逖與聚同義爾雅釋訓速速蹙蹙惟速鞠也釋文逖本亦作求是逖求古字通宣十六年左傳武子歸而講求典禮周語作講聚三代之典禮筮子七瀆篇聚天下之精材幼官篇作求天下之精材是求與聚同義箋曰萬福之祿就而求之卽是求聚之義而正義未加訓釋陳奐曰世德作求求讀爲逖逖匹也匹配也求逖通用先大人曰燕婉之求求讀如君子好逖之逖逖匹也燕婉謂伋直指爲伋之匹則非宣公所得而娶矣詩人詞嚴義正如此家伯子曰標有梅求我庶士求與逖同匹也此蓋已受聘而未嫁之女欲及

吉時而嫁也

況也永嘆 僕夫況瘁 亂沆斯削 倉兄填兮 職

兄斯引 職兄斯宏

說文兄長也从儿从口段玉裁曰古長不分平上其音義一也長短滋長長幼皆無二義兄之爲長以聲韻爲訓也

小雅兄也永嘆案唐石經初刻兄後改況傳曰兄茲也大雅倉兄填兮

傳曰兄滋也職兄斯引職兄斯宏傳曰兄茲也又小雅僕

夫兄瘁箋云兄茲也唐石經作僕夫況瘁大雅亂兄斯削唐石經作亂況斯削

箋云而亂茲甚茲與滋義同茲者草木多益也滋者益也

凡此等毛詩本皆作兄後人乃改作从水之況又譌爲况

陸氏音義不能定正畫一正偽襍出且於常棣云作兄者
非由未知茲益乃兄之本義故耳無逸無皇曰今文尙書
作毋兄曰王肅本皇作況注曰況滋也韋昭注國語曰況
益也皆兄訓益之證案陸氏以況作兄爲非固誤段氏盡
改況爲兄亦非是兄之本義訓長訓茲況之本義訓寒水
毛詩多古文故段況爲兄抑箋矧況也況亦兄之借字說
文矢部矧兄詞也管子大匡篇召忽曰雖得天下吾不生
也兄與我齊國之政也漢樊毅脩華嶽廟碑兄乃盛德字
竝作兄桑柔釋文兄音況本亦作況職兄斯引釋文兄音
況足利本兄作況傳兄滋也宋本明本兄作況史記呂后

紀祿以爲鄙兒不欺己徐廣曰兄音況字漢書尹翁歸字子兄師古曰兄讀曰況

外禦其務 受侮不少 或敢侮予 是以有侮 子

曰有禦侮 四方以無侮 序賓以不侮 不侮矜寡

外禦其務傳務侮也案此謂段借與干扞也調朝也昴酉也同例柏舟受侮不少鴟鴞或敢侮子正月是以有侮縣

子曰有禦侮皇矣四方以無侮行葦序賓以不侮烝民不

侮矜寡字竝作侮說文侮惕也段氏本古文作侮左氏僖二

十四年傳國語周語爾雅釋言注引詩皆作外禦其侮僞大誓罔懲其侮墨子非命中篇作毋侮其務天志中篇作

毋侈倂務此務侮字通之證

釀酒有蕝 我黍與與

伐木釀酒有蕝傳蕝美兒小箋云蕝與我黍與與同義案
楚茨箋與與蕃蕝兒蕃蕝卽是盛美之意廣韻所据詩作
我黍蕝蕝故曰蕝蕃蕝說文無蕝古止作與玉篇廣韻又
有釀亦俗字與字廣韻有善也一訓善與美同義故知蕝
當作與

俾爾單厚 亶其然乎 亶不聰 亶侯多藏 胡臭

亶時 不實于亶

天保俾爾單厚傳單信也或曰單厚也釋文單毛都且反

正義釋毛云天使汝以誠信愛厚天下案單乃亶之段借爾雅釋詁亶信也亶厚也毛讀單爲亶故有信厚兩訓常棣亶其然乎傳亶信也釋文亶都旦反十月之交亶侯多藏傳云信維貪淫多藏之人也釋文亶信也祈父亶不聰生民胡臭亶時版不實于亶傳箋竝曰亶誠也誠信同義周頌單厥心國語周語叔向引詩作亶厥心書盤庚中誕告用亶其有眾釋文亶馬本作單洛誥乃單文祖德釋文單丁但反信也段玉裁曰馬讀單爲亶故訓信荀子議兵篇彼可詐者路亶者也注新序作落單史記麻書端蒙單闕二年徐廣曰單闕一作亶安呂氏春秋具備篇宓子賤

治亶父淮南子秦族訓密子治亶父說苑政理篇必子賤
理單父史記仲尼弟子列傳子賤爲單父宰滑稽傳子賤
治單父此皆亶單字通之證儀禮士冠禮嘉薦亶時注今
文亶作癉左氏桓十五年傳鄭伯因櫟人殺檀伯史記鄭
世家作單伯鄭風東門之壇定本作東門之壇周禮大司
馬暴內陵外則壇之注壇讀如同墀之墀左氏襄二十八
年傳舍不爲壇正義曰服虔本作墀呂覽重己篇衣不燁
熱高誘注燁讀曰亶亶厚也史記秦楚之際月表號令三
嬪索隱曰嬪古禪字後漢書梁竦傳遣從兄禮奏記三府
注禮古禪字荀子儒效篇非擅也注擅與禪通後漢書楊

震傳冠雀銜三鱸魚飛集講堂前注鱸似蛇謝承書鱸字
作鱸大雅板下民卒痺釋文云沈本作瘧禮記緇衣引詩
作下民卒瘵皆其例桑柔正義潛夫論慎微篇引詩作俾
民直厚

吉蠲爲館 白圭之玷

吉蠲爲館傳蠲絜也案蠲本馬蠲蟲與絜義甚遠訓絜乃
圭之段借字也故釋文云蠲舊音圭周禮蜡人令州里除
不蠲注蠲讀爲吉圭惟館之圭圭絜也儀禮士饗禮哀子
某圭爲而哀薦之饗注圭絜也詩曰吉圭爲館字正作圭
書多方不蠲絜釋文蠲馬云明也一音圭周禮宮人除其

不獨注獨猶絜也釋文獨音圭左傳成十年鄭人使伯獨
行成襄十一年師觸師獨釋文竝云獨古平反又音圭呂
氏春秋尊師臨飲會必獨絜高誘注獨讀爲圭圭絜也此
皆獨圭字通之證大雅抑篇白圭之玷圭色白故訓絜絜
俗作潔周禮蜡氏疏大戴禮諸侯遷席盧注引詩絜獨爲
絜是吉絜字又通矣

獫狁之故

獫狁孔棘

獫狁于襄

獫狁于夷

獫

狁孔熾

薄伐獫狁

獫狁匪茹

征伐獫狁

載獫

獸鬻

采薇獫狁之故傳獫狁北狄也箋云北狄今匈奴也采薇

獾狽三見出車獾狽二見六月獾狽四見采芑獾狽一見
案說文犬部無獾狽二字獾卽狽之別體釋文獾本或作
獾狽本亦作允是也駟鐵載獾歆騎傳長喙曰獾說文獾
長喙犬也北狄犬種

見說文

故以犬名狄字从犬亦此意突

厥狼種哀牢龍種武陵蠻爲槃瓠犬後皆見史書知許叔
重之說非荒誕漢書匈奴傳唐虞以上有山戎獾允薰粥
引詩獾允之故獾允孔棘薄伐獾允又敘傳云薄伐獾允
恢我朔邊衛青傳薄伐獾允至于大原字竝作獾史記匈
奴傳作獾狽狽字涉上獾字誤加犬耳漢書亦有作獾狽
者狽竝譌俗非班書之舊文選四子講廳論注引詩獾狽

孔熾史孝山出師頌注鹽鐵論繇役引詩薄伐獫狁皆不
作獫字段玉裁訂毛詩故訓傳凡獫狁字槩作獫允

四牡翼翼

四騏翼翼

四牡奕奕

車攻韓奕

萬舞有奕

四牡翼翼傳翼翼閑也正義云翼翼然閑習商頌邶萬舞
有奕傳奕奕然閑也箋云其干舞又閑習案閑非閑習之
閑閑者大也殷武旅楹有閑正義云閑然而大文選魏都
賦注引韓詩章句閑大也采芑四騏翼翼箋翼翼壯健兒
壯亦大也說文爾雅竝曰壯大也翼翼之訓壯猶翼翼之
訓閑矣說文爾雅竝曰奕大也韓奕傳奕奕大也奕奕之
爲閑猶奕奕之爲大矣文選東京賦注引詩萬舞奕奕

子非樂上篇萬舞翼翼用詩言而字作翼翼與奕異部而通用四牡翼翼卽車攻韓奕之四牡奕奕韓奕箋謂長大之四牡奕奕然其說是也車攻正義謂奕奕然閑習其說非也

旂旐央央

出車采芑

白旆央央

夜未央

英英白雲

出車旂旐央央傳央央鮮明也釋文央本亦作英同於京反又於良反六月白旆央央傳央央鮮明兒釋文央音英又於良反案庭燎夜未央傳央且也且作且係誤字段玉裁之說甚謬且亦明也板傳且羽也采芑旂旐央央傳箋正義於央央無釋亦當訓鮮明兒毛於出車六月已釋之故采芑不復傳白華

篇英英白雲傳英英白雲兒白與鮮明正是一義央借字
英正字有女同車傳英猶華也箸箋瓊英猶瓊華也正義
英是華之別名英卽是華其色鮮明故英英訓鮮明英从
央聲古讀若央故段央爲英白旆央央出其東門疏作白
旆英英公羊宣十二年傳疏引爾雅釋天孫炎注作帛旆
英英

檀車幘幘 有棧之車

杖杜檀車幘幘傳檀車役車也何草不黃篇有棧之車傳
棧車役車也曾釗毛鄭異同辨曰檀車卽棧車蓋聲轉耳
周禮地官序官廛人注杜子春讀壇爲廛方言廛或曰踐

是壇塵踐皆聲近可通借壇从亶聲檀亦从亶踐从菱聲
棧亦从菱則檀棧亦可通借矣

南陔 男子之祥 乃生男子 則百斯男

賈昌朝羣經音辨曰序曰南陔孝子相戒以養陔當訓戒
鄉飲酒禮燕禮賓醉而出奏陔夏鄭注陔之言戒也與詩
序義合玉樹案陔旣訓戒則南非南北之南可知序云孝
子相戒以養以戒釋陔以孝子釋南南爲男之段借明矣
斯干男子之祥乃生男子思齊則百斯男字竝作男左氏
昭十三年傳鄭伯男也正義引賈逵云男當作南謂南面
之君也又引周語云鄭伯男也今周語男作南史記夏本

紀贊有男氏索隱曰系本男作南此男南字通之證

南陔 戒其傷女 豈不日戒 既敬既戒 戒我師

旅

南陔陔爲戒之段借序云孝子相戒以養讀陔爲戒與由儀序讀儀爲宜同湛露箋謂陔節也釋文陔亦作祗周禮鍾師奏祗夏注祗讀如陔鼓之陔大司馬及所弊鼓皆祗釋文駮本亦作駭大僕戒鼓傳達於四方注故書戒爲駭戒聲亥聲本同部也大叔于田曰戒其傷女采薇曰豈不日戒常武曰既敬既戒戒我師旅皆警戒誥戒之戒東晉補亡詩云循彼南陔言采其蘭此東氏自爲說與序義無

涉

由儀 我儀圖之 而秉義類 不義從式

序云由儀萬物之生各得其宜也烝民我儀圖之傳儀宜也案儀乃義之段借禮記中庸義者宜也蕩而秉義類箋云義之言宜也不義從式傳義宜也儀義古字通用我儀圖之正義本釋文本竝作我義圖之

說見校勘記

然儀又與宜

通束皙補亡詩引序云由儀萬物之生各得其儀也宜作儀角弓如食宜饁韓詩宜作儀文王宜鑒于殷大學宜作儀謂儀爲宜之段藉亦可由爲粦之藉字故訓生說見詩

經古義

一朝右之 以妥以侑

彤弓一朝右之傳右勸也案右乃侑之段借玉篇人部侑
禹救切周禮曰王以樂侑食侑勸也廣韻四十九宥侑勸
食楚茨以妥以侑傳侑勸也周禮大祝以享右祭祀注右
讀爲侑侑勸尸食而拜令鍾鼓右亦如之注右讀亦當爲
侑賈公彥曰享右之字皆爲侑儀禮有司徹設右几注古
文右作侑易繫辭釋文祐助也荀作侑此右侑字通之證
朱彬曰旣右饗之右與侑同

以奏膚公 無田甫田 東有甫草 倬彼甫田 勳

曠甫甫

六月以奏膚公傳膚大也案膚乃甫之段音甫田無田甫
田車攻東有甫草傳竝曰甫大也甫田倬彼甫田正義曰
天下之大田也韓奕魴鱣甫甫傳甫甫然大也易剝剝牀
以膚釋文膚京作籩說文籩从竹从皿甫聲膚之通作甫
猶膚之通作籩矣狼跋公孫碩膚文王殷士膚敏傳竝訓
膚爲美亦甫之段字說文甫男子美稱也美字从大故訓
美之字亦訓大

路車有奭 韎韐有奭 赫如渥赭

采芑路車有奭傳奭赤兒瞻彼洛矣韎韐有奭傳韎韐者
茅蒐染也正義曰奭者赤兒傳解言奭之由以其用茅蒐

之草染之其草色赤故也釋文奭許力反赤兒簡兮赫如
渥赭傳赫赤兒案奭借字赫正字玉篇赤部赫赤兒廣韻
二十陌赫赤也說文赤部赫火矣兒韻部奭盛也从火从
韻亦聲奭段爲赫赫亦段爲奭出車赫赫南仲傳赫赫
盛兒韻南山赫赫師尹傳赫赫顯盛兒常武赫赫明明傳
赫赫然盛也皆段赫爲奭也爾雅釋訓赫赫躍躍迅也釋
文赫赫郭音釋舍人本作奭史記甘茂傳公孫奭趙策作
公孫赫此赫奭字通之證朱駿聲說文通訓定聲曰奭段
借作赫亦變作奭

八鸞瑄瑄

鸞聲將將

八鸞鏘鏘

燕民
韓奕

八鸞鷓鷯

八鸞瑒瑒傳瑒瑒聲也釋文瑒本亦作鎗七羊反庭燎鸞
聲將將傳將將鸞鑣聲也釋文將七羊反本或作鏘烝民
八鸞鏘鏘箋云鏘鏘鳴聲釋文作將云七羊反本亦作鏘
韓奕八鸞鏘鏘釋文同烈祖八鸞鸞鸞傳云言文德之有
聲也釋文鸞七羊反本又作鏘素說文玉部瑒玉聲也从
王倉聲寸部將帥也从寸醬省聲鳥部鸞麋鸞也从鳥倉
聲皆非正字其正字當作鎗說文鎗鐘聲也从金倉聲鸞
爲鑿之段借鈴也鈴與鐘以金爲之字皆从金故知其當
作从金之鎗也鏘俗字說文無

其飛戾天

翰飛戾天

小宛四月

亦是戾矣

鸞飛戾天

我客戾止 魯戾戾止 我行不來

其飛戾天傳戾至也小宛翰飛戾天采菽亦是戾矣傳竝曰戾至也四月翰飛戾天箋云戾至也旱麓鷺飛戾天箋云飛而至天振鷺有客戾止箋云其至止亦有此容案說文戾訓曲从犬出戶下引伸之爲乖戾變戾皐戾無至義訓至乃來之段借字泮水魯侯戾止傳戾來也正讀戾爲來采薇我行不來傳來至也公羊隱五年傳登戾之禮記大學注引作登來之公羊通義曰來古音狸又轉爲戾是戾與來古通用釋詁來戾竝訓至一正字一借字

嘽嘽推推 王旅嘽嘽 旨且多 謀夫孔多 思臯

多士

濟濟多士

文王
清廟

彊禦多懟

潛有多魚

未

堪家多難

訪落
小誌

天命多辟

嘽嘽推推傳嘽嘽眾也常武王旅嘽嘽傳嘽嘽然盛也案
眾盛是一義廣雅釋詁盛多也是也說文口部嘽喘息也
四牡傳嘽嘽喘息之兒嘽無眾義嘽蓋多之段借嘽嘽卽
多多也魚麗多且旨傳云太平而後微物眾多小顓謀夫
孔多蕩彊禦多懟清廟濟濟多士訪落未堪家多難小誌
未堪家多難殷武天命多辟箋竝以多爲眾文王思皇多
士濟濟多士潛潛有多魚正義竝以多爲眾爾雅釋詁多
訓眾眾亦訓多嘽从單聲單古音近多故躡單聲切可竝

从單聲四牡嘽嘽駱馬說文疒部引作彳彳駱馬彳从疒
多聲玉篇疒部引詩彳彳駱馬云亦作嘽楚茨箋庶彳也
釋文彳都可反說文無彳毛詩細義謂卽奢部之嘽嘽之
通作彳彳之通作彳亦猶嘽之通作多矣史記高祖功臣
表鄆侯索隱曰鄆音多漢書地理志沛郡鄆孟康曰音多
周繆傳復封繆子應爲鄆侯蘇林曰鄆音多亦其證

我車旣攻 無不克鞏

車攻我車旣攻傳攻堅也鷓鴣傳以其攻堅之故也亦攻
堅連文案攻乃鞏之假借大雅瞻卬無不克鞏傳鞏固也
箋云無不能自堅固者是鞏訓堅也攻从工聲鞏从巩聲

玃从工聲工聲玃聲之字多通用說文心部恐懼也从心
玃聲古文作志从心工聲虫部蚤蚤獸也从虫玃聲爾雅釋地
周書王會穆天子傳竝作邛邛恐之作志蚤之作邛亦猶
鞏之爲攻矣

搏獸于敖 駕言行狩

搏獸于敖箋云獸謂田獵搏獸也

上獸字足利本作狩

案箋以獸非

禽獸之獸故特解之獸當讀爲狩上章駕言行狩正義以
爲狩獵又言狩是獵之總名獸之訓田獵卽狩之訓獵也
箋釋獸不釋搏搏當讀爲薄文選東京賦水經注濟水篇
後漢書安帝紀注正作薄狩於敖作薄狩者三家詩毛詩

字爲搏獸音爲薄狩正義以爲搏取禽獸失之淮南子覽
冥訓狡蟲死高誘注蟲狩也漢張遷碑帝幸上林問禽狩
所有石門頌蕙虫夔狩狩皆獸字此獸狩字通之證或以
經搏獸字爲譌說非是

麋鹿麋麋 麋鹿嘖嘖

吉日麋鹿麋麋傳麋麋眾多也釋文麋愚甫反說文作嘖
云麋鹿羣口相聚也韓奕麋鹿嘖嘖傳嘖嘖然眾也釋文
嘖愚甫反本亦作麋正義本作麋麋案說文鹿部無麋麋
蓋麋之別體大徐說文附載俗書二十八字麋其一也玉
篇口部嘖牛府切詩曰麋鹿嘖嘖亦作麋吉日經古當作

嘆嘆與韓奕同經同故傳亦同

其祁孔有 碩人其頤 頤而長兮

其祁孔有傳祁大也案祁乃頤之段借碩人碩人其頤猗
嗟頤而長兮傳竝曰頤長兒長與大是一義碩人疏云佼
壯美好頤頤然也佼壯正大之謂矣書君牙冬祁寒傳冬
大寒禮緇衣作冬祈寒祈父高陽令楊箸碑作頤甫是祁
祈頤竝通用

悉率左右 率彼中陵 率場啄粟 率土之濱 亦

是率從 率彼曠野 率彼幽草 率西水滸 率由

舊章 率由羣匹 率彼淮浦 帝命率育 率時昭

考 率履不越 報我不述

悉率左右率彼中陵亦是率從率由舊章率彼淮浦帝命
率育箋竝曰率循也率土之濱率西水滸率時昭考傳竝
曰率循也率場咏粟疏云循場咏粟率彼曠野疏云循彼
空野之中率彼幽草疏云循彼幽草率山羣匹箋云循用
羣臣之賢者率履不越箋云使其民循禮不得踰越案率
本捕鳥畢率訓循蓋述之段借字說文是部述循也日月
報我不述傳述循也廣雅疏證云太平御覽引春秋元命
苞云律之爲言率也周禮典同注云律述也述與率通中
庸上律天時注亦云律述也蒙按廣雅之律率卽爾雅之

律述文王傳之聿述率古音律字與律通述古音聿字與聿通聿又與律通律聿率述字竝通也

夜未艾 奄觀銍艾 是刈是濩 言刈其楚 言刈

其萑

庭燎夜未艾箋云芟末曰艾釋文艾鄭音刈秦說文艸部艾冰臺也ノ部又芟艸也从ノ从ノ相交或从刀作刈夜未艾臣工奄觀銍艾艾借字葛覃是刈是濩漢廣言刈其楚言刈其萑刈正字是刈是濩釋文作艾云本又作刈鶩鶩福祿艾之釋文艾徐又音刈訪落朕未有艾釋文艾徐音刈左氏昭二十年傳斬刈民力釋文作艾云本又作刈

漢書五行志中之上國未艾也師古曰艾讀曰刈刈絕也
賈誼傳其視殺人若艾草菅師古曰艾讀曰刈朱買臣傳
常艾新樵賣以給食師古曰艾讀曰刈匈奴傳艾朝鮮之
旃拔兩越之旗師古曰艾讀曰刈

鸞聲噦噦

夜如何
其津水

鸞聲噦噦

鸞聲噦噦傳噦噦徐行有節也泮水鸞聲噦噦傳噦噦言
其聲也采菽鸞聲噦噦傳噦噦中節也秦歲聲慧聲之字
古通用如雲漢有噦其星說文言部引詩作有誠其聲是
也說文口部噦氣悟也噦小聲也以聲言則噦爲正字小
弁鳴蚡噦噦傳噦噦聲也那噦噦管聲傳噦噦然和也毛

云徐行有節云中節亦是言其聲之和文選東京賦鸞聲
噦噦注噦噦和鳴聲是也又說文金部鉞車鑿聲从金戊
聲詩曰鑿聲鉞鉞據此則噦與噦皆鉞之段借玉篇廣韻
又作鑿云鈴聲

沔彼流水 河水瀾瀾

沔水沔彼流水傳沔水流滿也案沔本水名出武都沮縣
東狼谷說文解字注云沔彼流水沔爲瀾之段借其說是
也新臺河水瀾瀾瀾爲瀾之俗釋文引說文瀾水滿也毛
云瀾瀾盛兒盛滿是一義石鼓文汧駸沔沔沔亦卽瀾
瀾音韻闡微四紙瀾廣韻水盛兒集韻或作瀾洋沔是其

證彌字轉音讀若沔周禮彌災兵之彌段玉裁謂當作悞
說文悞厲也一曰止也从心弭聲讀若沔沔之讀若彌猶
彌之讀若沔矣

祈父 邦畿千里

祈父箋云祈父之職掌六軍之事有九伐之法祈圻畿同
疏云此職掌封畿兵甲當作畿字今作祈故解之古者祈
圻畿字得通用故此作祈尚書作圻案說文土部圻土圻
也重文作圻示部祈求福也田部畿天子千里地以逮近
言之則曰畿商頌邦畿千里畿正字祈與圻皆借字禮記
大學引詩邦畿千里釋文畿音祈公羊桓九年傳疏作邦

圻千里左氏襄二十五年傳天子一圻釋文圻音祈周禮
大司馬注作天子一畿穀梁隱元年傳注天子畿內釋文
畿本或作圻音祈周禮肆師及其祈珥注故書祈爲幾幾
當作畿小子職注云春官肆師職祈或作畿

賁然來思 朱幘鑣鑣

白駒賁然來思傳曰賁飾也正義曰其服賁然而有盛飾
已願其來思而得見之也案此說非傳意卽非經意經止
言馬未言服何以知其爲服上章皎皎白駒食我場苗皎
皎白駒食我場藿食苗食藿皆以駒言此章賁然來思亦
當以駒言不當以人之衣服言毛意蓋以賁爲幘之段借

碩人四牡有驕朱幘鑣鑣傳幘飾也正與此傳合賁者幘也然者而也加幘於白駒之上而來也說文幘从巾賁聲賁蓋幘之省文幘馬纏鑣扇汗也碩人傳云人君以朱纏鑣扇汗且以爲飾段玉裁曰以朱際縷纏馬銜之上而垂之可以因風扇汗故謂之扇汗亦名排沫

勉爾遁思 靈俾我遯

勉爾遁思釋文遁字又作遂徒遂反雲漢靈俾我遯釋文遯本亦作遂徒困反案玉篇廣韻遯爲遁之正文說文是部分遯遯爲二遁字注云逃也遯字注云遷也或曰逃也今經典遯多訓逃而訓遷之義罕見周易遯卦釋文遯字

又作遂又作遁禮記中庸遁世不見知而不悔釋文遁本
又作遁緇衣則民有遜心釋文遜本亦作遁爾雅釋言釋
文遜字又作遁莊子養生主是遁天倍情忘其所受釋文
作遜云又作遁六度集第二卷音義遁又作遜同赴慎反
不可與明 君子履盟

黃鳥不可與明傳云不可與明夫婦之道箋云明當作盟
盟信也案巧言君子屢盟傳云凡國有疑會同則用盟而
相要也盟所以釋疑而約信故訓信明盟古字通用禹貢
孟諸周禮職方氏注作明都漢書地理志作盟豬大明會
朝清明楚辭天問作會暱請盟

說見武億
羣經義證

釋名盟明也告

其事於神明也

史記吳世家則盟主也徐廣曰盟一作明

秩秩斯干 于澗之中 南澗之濱 考槃在澗

斯干秩秩斯干傳干澗也案此讀干爲澗也爾雅山夾水澗采蘩于澗之中采蘋南澗之濱考槃考槃在澗澗皆山夾水也文選吳都賦長干延屬注引韓詩考槃在干考槃釋文澗韓詩作干是干澗古字通用易漸鴻漸于干釋文荀玉肅云干山澗澗水也亦謂干爲澗之段借聘禮皮馬相閒注古文閒作干說文解字注竹部竿下云莊子竿牘卽簡牘

無相猶矣 其德不猶 胡俾我楡 交相爲楡

無相猶矣箋云猶當作瘡瘡病也正義曰猶瘡聲相近鼓鐘其德不猶箋云猶當作瘡瘡病也正月胡俾我瘡角弓交相爲瘡傳竝曰瘡病也案尤侯韻與虞韻古通用如偷偷偷副瘡瘡瘡皆隸十九侯瘡瘡瘡皆十虞十九侯二部兼收則知瘡从偷聲未嘗不可入侯部猶字古又讀若搖檀弓注秦人猶搖聲相近偷聲之字亦可讀搖周禮內司服揄狄卽搖狄漢書趙充國傳兵難踰度卽遙度是也

似續妣祖 是以似之 似先公酋矣 召公是似
以似以續 子寧不嗣音 繼嗣我日 昭哉嗣服

大妣嗣徽音 以興嗣歲 嗣武受之 載川有嗣

似續妣祖傳似嗣也裳裳者華是以似之卷阿似先公酋矣江漢召公是似良耜以似以續傳竝曰似嗣也案似卽嗣之段借似先公酋矣爾雅釋詁郭璞注邢昺疏竝作嗣先公爾酋矣此似嗣字通之證子衿子寧不嗣音杖杜繼嗣我日下武昭哉嗣服思齊大妣嗣徽音生民以興嗣歲武嗣武受之酌載用有嗣嗣皆嗣續之嗣

君子攸芋 亂如此幬 昊天泰幬

君子攸芋傳芋大也巧言亂如此幬傳幬大也昊天泰幬正義曰而泰幬言甚大案芋與幬古字通用箋云芋當爲

幪幪覆也是也說文幪亦訓覆惟大乃能覆故幪又訓大
說文芋大葉實根駭人也芋亦自有大義然鄭箋詩時經
是吁字釋文云芋或作吁士冠禮注尋名出於幪幪覆也
釋名尋幪也有司徹皆加膺祭於其上注膺讀如殷尋之
尋禮記少儀祭膺注膺讀如尋說文無尋古止作吁說文
兒部殷曰吁宋本如此集韻二十經文作吁故鄭云當爲
幪

殖殖其庭 湜湜其沚 爰得我直

殖殖其庭傳殖殖言平正也案邶風谷風湜湜其沚箋湜
湜持正貌釋文湜音殖殖湜音義竝同直聲是聲之字古

通用易坎實于叢棘釋文實子夏傳作湜姚作寔張作置
湜之通作置亦猶湜之通作殖矣說文水部湜水清見底
也占部殖脂膏久殖也湜殖皆段借字其正字當作直魏
風碩鼠爰得我直箋直猶正也禮記郊特牲告之以直信
注直猶正也殖从直聲故借爲直太彖彖文注直之言殖
也

其角澦澦 不戢不難 戢其左翼 載戢干戈

無羊其角澦澦傳聚其角而息澦澦然案澦乃戢之借字
桑扈不戢不難時邁載戢干戈傳並曰戢聚也鷩鷩戢其
左翼傳言休息也是戢訓聚又訓息澦从戢聲故段澦爲

戢釋文澱本又作戢太平御覽獸部十四引詩正作其角
戢戢

矜矜兢兢 虔共爾位 有虔秉鉞

矜矜兢兢傳云矜矜兢兢以言堅彊也案以堅釋矜矜矜
蓋虔之段借爾雅釋詁虔固也大雅韓奕虔共爾位商頌
長發有虔秉鉞傳竝曰虔固也固卽堅也天保傳固堅也
是也說文虍部虔虎行兒从虍文聲讀若矜此矜與虔通
之證矜从令聲隸變作矜以古音言之當隸眞韻苑柳矜韻天
臻何草不黃矜韻民桑柔矜韻旬民填可證虔今先韻字
以文聲言之古當隸文部眞文古相通眞先古同部故虔

讀若矜矜字又作種堇聲文聲亦同部

矜矜兢兢

無競維人

抑烈文

秉心無競

職競用力

執競武王無競維烈

武競

傳云矜矜兢兢以言堅彊也案毛以彊釋兢兢讀兢爲競也說文競彊語也抑無競維人柔柔職競用力執競執競武王無競維烈武無競維烈箋竝訓競爲彊柔柔秉心無競烈文無競維人傳竝曰競彊也史記龜策列傳陰競潛之徐廣曰兢一作競此兢兢字通之證

不騫不崩

削屨馮馮

不騫不崩傳騫虧也崩羣疾也案羣卽三百維羣之羣疾

謂疾行崩當讀若馮說文馬部馮馬行疾也段玉裁曰馬
行疾馮馮然繇削屢馮馮傳削牆鍛屨之聲馮馮然蓋亦
謂馮馮然疾正義謂樂其事勸其功民欲疾作是也易朋
來無咎漢書五行志作朋來無咎國策韓策公仲朋史記
田敬仲世家作公仲馮甘茂傳集解引徐廣一作馮是朋
崩馮竝通用漢書周縲傳更封縲爲郟城侯師古曰楚漢
春秋作恐城侯詩易論語皆云馮河假馮爲泐說文泐無舟渡河也
亦其證或曰崩薨音近螽斯傳薨薨眾多也繇釋文薨薨
亟疾也崩讀如薨故曰羣疾說亦通

室家漆漆

其葉蔡蔡

烝徒增增

室家溱溱傳溱溱眾也案說文水部溱水出桂陽臨武溱
本水名訓眾蓋蔡之段借玉篇艸部蔡眾也桃杖傳蔡蔡
至盛貌說文蔡艸盛兒盛與眾是一義潛夫論夢列引詩
正作室家蔡蔡其葉蔡蔡通典禮十九作其葉溱溱後漢
書班固傳靈臺詩百穀溱溱注溱溱盛貌文選作百穀蔡
蔡注引韓詩章句蔡蔡盛貌也此溱蔡字通之證溱又與
增通釋訓增增眾也魯頌閟宮烝徒增增傳增增眾也說
文增益也益饒也引伸之故訓眾也曾聲秦聲異部而相
通鄭風溱與洧方渙渙兮說文水部溱水出鄭國引詩作
溱與洧方渙渙兮段本作
汝出國語周語土苴馳而食溱洧水

經注澗水篇作主丕驪而會澗消廣韻十九臻漆澗並側
誥切禮記禮運夏則居棺巢說文無棺雷浚說文外篇謂
卽淮南原道木處榛巢之榛漆之通作增亦猶漆之通作
涓榛之通作棺矣真臻蒸登之相通如菱之爲蘧矜之爲
瑾郭浚之爲郭鄰無滕之爲無旬邱棄之爲邱甸陳尹之
爲陵尹潦消之爲涓消榛巢之爲棺巢陵里之爲鄰里繩
其祖武之作慎其祖武率肆矜爾之作率夷憐爾皆是

憂心如惓 如惓如焚 赫赫炎炎

校勘記曰憂心如惓唐石經小字本相臺本同案正義云
如惓之字說文作夷釋文云惓徒藍反又音炎燔也韓詩

作炎字書作焱說文作炏字五經文字心部云煖見小雅
考釋文云字書作焱故轉寫而爲煖詩經小學云毛詩本
作如炏或同韓詩作如炎不知何人始加作煖煖變也豈
變心如變乎又於說文煖下妄加詩曰變心如煖今考說
文煖下當是引詩曰變心如炎以解煖字從炎之意不知
者誤改爲煖耳玉樹案此說大謬說文煖變也下引詩變
心如煖非謂詩之煖當訓變猶言部說致言也下引詩焱
斯羽說說兮非訓說說爲致言也說文引經如此類者不
可枚舉煖借字炎炏皆正字毛詩作煖韓詩作炎炏必
是齊魯詩煖从炎聲故段煖爲炎雲漢如煖如焚煖亦炎

之借字釋文煥音談燎也說文炎燎也徐音炎後漢書章
帝紀建初五年詔曰今時復旱如炎如焚注引韓詩如炎
如焚凡毛詩煥字韓詩多作炎兩家字之畫一如此謂節
南山煥字爲誤雲漢煥字亦爲誤乎段氏昧於古文段借
之理旣疑毛詩煥字爲誤復改說文憂心如煥爲憂心如
炎其專擅有如此雲漢赫赫炎炎釋文炎于廉反熱也本
或作煥音同以憂心如煥如煥如焚推之以赫赫煥煥爲
古本

民言無嘉 四方來賀

民言無嘉箋云民皆以災害相弔唁無一嘉慶之言案箋

以慶字釋嘉蓋以嘉爲賀之段借字也下武四方來賀傳箋於賀無釋正義云故四方諸侯之國皆貢獻慶之亦以慶釋賀說文嘉善也从豈加聲賀以禮相奉慶也从貝加聲聲同故字通讀嘉爲賀正與猗音何多瘥嗟韻晉語賀大國之襲於己說苑辨物篇作嘉大國之襲於己儀禮覲禮予一人嘉之注今文嘉作賀此嘉賀字通之證毛詩珈嘉加字並讀居何切古音在十七部今入九麻

天子是毗 福祿膺之 政事一埤益我

天子是毗傳毗厚也采菽福祿膺之傳膺厚也釋文引韓詩作毗案爾雅釋詁毗厚也毗从比聲說文膺毗本一字

毗亦比聲聲同故訓同臚牛百葉也說文無毗卽毗字之
變毗人臚也皆無厚意訓厚蓋埤之段借字也說文土部
埤增也增益之則厚故引伸之訓厚邶風北門政事一埤
益我傳埤厚也王肅本正作天子是埤亦云厚也荀子宥
坐篇引詩作天子是庫庫亦與埤通漸漸之石俾滂沱矣
論衡明雩篇作比滂沱矣大雅克順克比比于文王禮記
樂記史記樂書作克順克俾俾于文王玉藻注紕讀如埤
益之埤毗之通作埤亦猶比之通作俾紕之通作埤矣

天子是毗 胡不比焉

天子是毗箋云毗輔也案鄭以毗爲比之段借也易比卦

象曰比輔也唐風胡不比焉箋云比輔也爾雅釋詁比備也注備亦輔也左氏哀五年經城毗公羊作城比史記匈奴傳黃比胥紂一案隱曰漢書作犀毗又引戰國策作師比又引班固與竇憲牋作犀比是比毗字通之證說文蠶从蟲毗聲或从虫比聲作蚘亦其例

不弔昊天 窈窕淑女 子之不淑 遇人之不淑矣

彼美淑姬 淑人君子 戶鳩 鼓鍾 其何能淑 淑旂綏

章 淑問如皋陶 孔淑不逆

不弔昊天不宜空我師傳弔至箋至猶善也不弔昊天亂靡有定箋云弔至也至猶善也案漢書五行志載哀十六

年左傳旻天不弔應劭曰旻天不善於魯家語終記篇旻
天不弔王肅曰弔善也書費誓毋敢不弔毋敢不善弔與
善竝稱弔亦善也說文弔問終也與善義甚遠弔訓善乃
淑之段借關雎傳韓奕傳竝曰淑善也鄘風子之不淑傳
亦訓淑爲善中谷有蕓箋尸鳩箋鼓鍾箋桑柔箋泮水箋
竝曰淑善也東門之池釋文淑善也左傳旻天不弔周禮
大祝注作旻天不淑此弔淑字通之證六書音均表弔聲
字在弟二部叔聲字在弟三部二部古相通轉故告可讀
鞠禮記文王世子注與可讀澳淇奧借奧爲澳麥可讀六麥蕭麥
六麥音造可讀燈孟子舜見瞽瞍其容有蹙韓非子舜見瞽
瞽其容造焉韓詩外傳衛君問知其故造

然召遠伯玉淮南子道應訓孔子好可讀旭巷伯驕人好
觀宥卮造然改容皆以造爲蹇好釋訓作旭
旭而弔亦讀淑此類不可殫述中谷有蕓條其歎矣條其
歎矣遇人之不淑矣人但知歎之可讀爲肅以韻淑而不
知淑之可讀爲弔以韻歎也

不宜空我師 穹窒熏鼠 洒掃穹窒

不宜空我師傳空窮也案此謂空爲穹之假借也說文穴
部穹窮也七月穹窒熏鼠傳云穹窮東山洒掃穹窒傳云
穹窮穹與空古字通用白駒在彼空谷文選西都賦注陸
士衡樂府注引韓詩作在彼穹谷考工記鞞人爲舉陶穹
者三之一鄭司農云穹讀爲志無空邪之空春秋緯少昊

邑於穹桑穹桑卽空桑

式夷式己 南國之紀 綱紀四方 之綱之紀

式夷式己箋云爲政當用平正之人用能紀理其事釋文
己鄭音紀案己爲紀之段借四月南國之紀箋云南國之
大水紀理眾川棫樸綱紀四方箋云張之爲綱理之爲紀
假樂之綱之紀箋云成王能爲天下之綱紀立法度以理
治之也竝訓紀爲理己與紀古字通用穀梁桓十三年傳
其弗地於紀也楊士勛疏曰春秋考異郵云時戰在魯之
龍門故何休雖云在紀不爲無地鄭元云紀當爲己何休
注公羊亦云戰魯龍門兵攻城地恥之故不地是皆以紀

爲己非紀國也阮元鐘鼎彝器款識己侯鐘下己紀古通用此鐘壽光縣人得之紀侯臺下

降此大戾 降此大厲

戾與厲古字通用小宛翰飛戾天韓詩作翰飛厲天潛夫論德化篇引詩亦作厲天戰國策秦人遠迹不服而齊爲虛戾高誘注死而無後曰厲說文新附考喉通作戾亦作厲孟子樂歲粒米狼戾鹽鐵論未通篇作樂歲粒米梁糲糲猶曰梁糲卽墨子尙同上疾菑戾疫卽癘疫漢書狼戾之轉譯 倉貨志下天降災戾注戾惡氣也戾亦癘之段音說文癘惡疾也降此大戾毛無傳案昊天不惠卽瞻卬之瞻卬昊

天則不我惠也降此大戾卽瞻卬之降此大厲也君子如
夷君子如屆卽瞻卬之靡有夷屆也瞻卬傳昊天斥王也
則此章昊天亦當爲斥王彼傳於大厲訓惡則此章大戾
亦當訓惡箋訓戾爲乖爭非傳意亦非經旨

四牡項領 鴻飛遵渚 鴻飛遵陸 鴻鴈于飛 洪

水芒芒

四牡項領傳項大也箋云今但養大其領不肯爲用案說
文頁部項頭後也傳訓大蓋鴻字之段音項从工聲鴻从
江聲江从工聲同聲之字得相通也九罭鴻飛遵渚箋云
鴻大鳥鴻鴈鴻鴈于飛傳大曰鴻小曰鴈引伸之凡大皆

謂之鴻如鴻範鴻水鴻鈞鴻烈鴻洞是也唐韻正三講項
古音胡孔反廣韻一董鴻與頊皆胡孔切音韻闡微一董
頊字注云濛頊大水鴻字注云集韻濛鴻大水通作頊淮
南子精神訓注頊讀項羽之項是項頊鴻字並通用項又
爲洪之段借長發洪水芒芒傳洪大也書甘誓左不攻于
左右不攻于右墨子明鬼下攻俱作共攻之通作共猶項
之通作洪矣鴻洪字亦通

集韻五
或作琪

方茂爾惡 以勸寡人

方茂爾惡傳茂勉也案茂乃勸之借字說文力部勸勉也
邶風以勸寡人傳勸勉也說文解字注曰勸古讀如茂與

懋音義皆同般庚懋建大命予其懋簡相爾漢石經懋皆
作勛舉爾懋哉懋哉爾雅釋詁茂勉也注作茂哉茂哉
是茂懋勛字竝通用

家父作誦 皇父卿士 抑此皇父 皇父孔聖 古

公亶父 顯父餞之 蹶父之子 蹶父孔武 大師

皇父 命程伯休父 文武吉甫 吉甫燕喜 吉甫

作誦 穆高 烝民 生仲山甫 仲山甫之德 王命仲山甫

仲山甫將之 仲山甫明之 維仲山甫 維仲山

甫舉之 維仲山甫補之 仲山甫出祖 仲山甫徂

齊 仲山甫永懷

節南山之家父十月之交之皇父縣之賈父韓奕之顯父
蹶父常武之皇父程伯休父字作父六月崧高烝民之吉
甫烝民之仲山甫字作甫繁父借字甫正字說文甫男子
美稱也士冠禮注甫是丈夫之美稱孔子爲尼甫周大夫
有嘉甫宋大夫有孔甫甫字或作父尼甫左傳孔子世家
作尼父嘉甫卽家父孔甫春秋作孔父皇父卿士漢書李
尋傳及注引詩作皇甫卿士谷永傳以遠皇父之類師古
曰父讀曰甫古公亶父釋文父音甫本亦作甫孟子引詩
作古公亶甫石經宋本岳本咸瀆衢州本廖本孔本韓本
考文古本竝同尹吉甫漢書古今人表作尹吉父崧高序

尹吉甫美宣王也釋文甫本又作父仲山甫人表作仲山
父仲山甫將之仲山甫明之漢書刑法志引詩甫作父顯
父饒之釋文父音甫本亦作甫那序有正考甫者釋文作
父云音甫本亦作甫

正月繁霜 既庶既繁 既有繁祉 蕃衍盈升 蕃

衍盈剝

正月篇正月繁霜傳繁多也公劉既庶既繁雖既有繁祉
箋竝以多釋繁案說文無繁繁卽𦉰字之俗𦉰馬髦飾也
凡𦉰多字皆蕃之借字說文蕃茂也茂盛則多故又訓多
易晉錫馬蕃庶釋文蕃多也椒聊蕃衍盈升蕃衍盈剝蕃

衍亦訓多正義云蕃衍滿於一升甚多非其常以興桓叔
晉君之支別今子孫眾多亦非其常也白帖十八作繁衍
盈升十月之交番維司徒韓詩番作繁春秋繁露漢書董
仲舒傳作蕃露洪範庶草蕃廡說文林部作繁無宋微子
世家作繁廡明堂位周人黃馬蕃鬣爾雅釋獸注引作籛
籛大戴禮禮察篇爭鬪之獄繁矣漢書禮樂志作蕃文選
上林賦鬻繁弱注文穎曰蕃弱夏后氏良弓之名善曰左
氏傳子魚曰分魯公以封父之繁弱蕃與繁古字通

憂心愈愈 胡俾我瘳

憂心愈愈傳愈愈憂懼也案上文胡俾我瘳傳瘳病也病

憂義近瘡愈字同說文無愈古本作憂心瘡瘡後人以其
與胡俾我瘡字同故改愈以別之猶之賈用不讎改讎爲
售桑者問問兮以閑閑代閒閒皆避同就異从心从疒之
字多互變如爾雅釋文瘡字又作勲說文無勲卽瘡之別
體玉篇疑訓駮卽癡之別體說文無癡卽心部之悔說文
無瘡卽心部之憲此類不可殫述爾雅釋訓作瘡瘡瘡亦
說文所無漢書宣帝紀瘡死獄中師古曰瘡字或作瘡是
瘡亦瘡之異體說文瘡病瘡也从疒俞聲臣鉉等曰今別
作愈非是

風雨傳瞻卽傳皆曰
瘡愈也字當作瘡

漢書高帝紀漢王病瘡

文志雖不能備猶瘡倉等盧縮傳幸上病瘡入謝丙吉傳

後病果瘡師古竝曰瘡與愈同藝文志曰瘡爲劇汲黯傳
亡曰瘡人師古竝曰瘡讀與愈同說無垢稱經弟三卷音
義大般涅槃經弟二卷音義摩訶般若波羅蜜經弟一卷
音義顯揚聖教論弟十一卷音義維摩經中卷音義竝言

愈古文瘡

字書又有瘡字合瘡愈爲一夏俗

靡人不勝 百川沸騰 不震不騰

靡人不勝傳勝乘也案傳以勝爲騰之段借字也十月之
交百川沸騰閼宮不震不騰傳竝曰騰乘也說文勝騰皆
朕聲聲同故字通楊子太千眾次四豹勝其私王涯本勝
作騰是勝騰字通

有倫有脊 念彼不蹟

有倫有脊傳倫道脊理案脊乃蹟之段借沔水念彼不蹟傳不蹟不道也道卽理也理亦道也析言之則有分合言之則無別說文蹟與迹爲一字春秋緜露溪管名號篇引詩作有倫有迹此脊蹟字通之證周禮蜡氏注脊讀爲殯公羊莊二十年傳大瘠也禮記曲禮注呂覽貴公注竝引作大漬脊之爲殯瘠之爲漬猶脊之爲蹟矣又瘠亦作瘠見元應書

有苑其特 苑彼桺斯 有苑者桺 苑彼桑柔 鬱
彼北林

有苑其特箋云有苑然茂特之苗釋文苑音鬱小弁苑彼
柳斯箋云柳木茂盛釋文苑音鬱苑柳有苑者柳傳苑茂
木也箋云有苑然枝葉茂盛之柳釋文苑音鬱桑柔苑彼
桑柔傳苑茂兒釋文苑音鬱案苑皆鬱之段借故陸云音
鬱說文艸部苑此苑出漢中房陵此苑之本義林部鬱木
叢生者叢生卽是茂盛之狀秦風鬱彼北林傳鬱積也正
義曰鬱積而茂盛者彼北林之木也北林山鬱茂之故故
晨風飛疾而入之是鬱亦茂矣有苑其特白帖卷八十作
有宛其特宛亦與鬱通禮記內則兔爲宛脾注宛或作鬱
考工記函人注憲讀如宛彼北林之宛釋文宛於阮反或

云司農音鬱据此知晨風鬱字古亦作苑故又省作宛

執我仇仇 繫之維之 言授之繫以繫其馬

執我仇仇箋云執畱我其禮待我瞽瞍然門人夏雨人云
執訓畱蓋繫之省文白駒繫之維之箋云絆之繫之以永
今朝欲畱其人正義曰絆繫其馬畱其人有客言授之繫
以繫其馬傳云繫其馬而畱之是繫爲畱也禮記月令則
繫騰駒釋文作執云繫本作繫足利本作執淮南子時則
訓執騰駒周禮校人執駒夏小正執陟攻駒皆以執爲繫
衰似戚之 甯或滅之

甯或滅之衰似戚之滅戚今古字釋文戚本或作滅傳訓

威爲滅猶御爲禦突爲淡皆以今字釋古字之例左氏昭
元年傳漢書外戚傳呂覽疑侶篇注列女傳夔夔傳引詩
皆作褒姒滅之作滅當出三家詩毛詩不應作滅若經已
作滅不須傳訓滅矣毛詩古文往往爲後人所竄改如此
經威作滅之類是也古文尙書多以威爲滅惠棟詩經古
義云靈臺碑云興威繼絕騶氏竟銘云賂虜殄威詛楚文
伐威我百姓皆以威爲滅桑柔滅我立王唐石經初刻作
威說文成威也小徐本作威大徐本作滅藥傳同

亦孔之昭 於昭于天 明昭有周 明昭上帝

亦孔之昭釋文昭音灼玉篇廣韻昭同照說文無昭案箋

云甚昭昭易見昭昭卽昭昭爾雅釋詁昭見也文王於昭于天傳昭見也時邁明昭有周箋云昭見也臣工明昭上帝箋云此瑞乃明見於天昭之爲見猶昭之爲易見矣昭乃昭之別體鹿鳴之德音孔昭文王之宣昭義問大明之昭事上帝下武之昭哉嗣服昭茲來許旣醉之介爾昭明昭明有融抑之昊天孔昭雲漢之昭回于天昭假無羸烝民之昭假于下噫嘻之旣昭假爾載見之率見昭考訪落之率時昭考桓之於昭于天泮水之其音昭昭昭假烈祖長發之昭假遲遲字皆作昭此昭字亦宜作昭从日从火之字多互變如煖煖曜耀之類皆是禮記中庸引詩正作

亦孔之昭釋文昭本亦作炤又中庸云今夫天斯昭昭之
多釋文昭本亦作炤炤讀如字亦與沼樂慘虐韻不必音
灼樂五教反慘音燥虐魚要反

昏姻孔云 有女如雲雖則如雲

昏姻孔云傳云旋也案云古雲字也鄭風出其東門篇有
女如雲雖則如雲箋云如雲者如其從風東西南北心無
有定是雲有旋意說文雲古文省雨作云又作𠄎象雲回
轉之形回轉正旋之謂矣書禹貢雲土夢作又釋文雲徐
本作云

𦉳𦉳方有穀 林有樸楸

友人李錫純曰此此彼有屋菽菽方有穀傳此此小也菽
菽陋也案陋亦小也文選東京賦觀者狹而謂之陋薛綜
注陋小也說文無菽蓋楸之別體召南林有樸楸傳樸楸
小木也說文木部楸樸楸小木也漢書息夫躬傳僕遯不
足數僕遯卽樸楸段音遯爲速籀文後漢書蔡邕傳速速
方轂天天是加字作速遯速竝借字楸正字菽俗字

抑此皇父 懿厥哲婦 噫嘻成王

十月之交抑此皇父箋云抑之言噫噫是皇父疾而呼之
釋文抑如字辭也徐音噫韓詩云意也案抑爲噫之借字
韓詩讀爲意卽噫之省周頌噫嘻成王傳噫歎也正義曰

毛以爲噫嘻然嗟歎釋文作意云本又作噫論語抑與之
與洪适隸釋載漢石經作意予之與周語抑人故也新序
禮容語篇作意人故也易繫辭噫亦要存亡吉凶王引之
讀噫亦爲抑亦又通作懿瞻印懿厥哲婦箋云懿有所傷
痛之聲正義曰懿與噫字雖異音義同國語楚語作懿以
自做韋昭注懿讀曰抑此抑懿字通之證書金縢信噫釋
文噫馬本作懿此懿噫字通之證

漢書高帝紀其有意稱明德者文選注引漢書

意稱作懿稱

讒口踴踴 哀鳴瞽瞍

讒口踴踴箋云踴踴眾多貌案說文踴聲也車攻傳踴踴

聽言則答諧言則退傳以言進退人也陳奐曰傳以進釋
答字答本當作對大雅柔聽言則對與此正同蕩流言
以對傳對遂也遂之義爲進易大壯不能退不能遂虞注
遂進也此詩傳意蓋謂聽言則對諧言則退者有時聽淺
近之言則進用其人有時受讒諧之言則排退其人季布
所謂目一人譽召臣目一人毀去臣及王尊傳云一尊之
身三句之間乍賢乍佞皆其類也漢書賈山傳引詩作聽
言則對案答字說文所無卽艸部荅字之變荅小未也借
爲對字其字爲答其音義爲對故答與退韻賈山傳及新
序禠事五作聽言則對當出三家詩書洛誥奉答天命書

大傳作奉對天命皇矣以對于天下江漢對揚王休傳竝
曰對遂也遂竝當訓進

鼠思泣血 瘋憂以痒

鼠思泣血箋云鼠憂也案憂者病也孟子有采薪之憂趙
注憂病也正月瘋憂以痒傳瘋痒皆病也爾雅釋詁瘋病
也舍人云心憂之病也說文疒部無瘋瘋俗字鼠正字釋
詁瘋字本當作鼠鼠性畏人故孫炎曰畏之病也山海經
中山經名曰植楮可以已瘋郭璞注瘋病也淮南子曰狸
頭已瘋今淮南說山訓作狸頭愈鼠是鼠瘋字通

何日斯沮 亂庶遄沮 則不可沮 旣阻我德

小頤何日斯沮箋沮止也巧言亂庶過沮雲漢則不可沮
傳竝曰沮止也箋云旱旣不可卻止谷風旣阻我德傳云
阻難也案此難字當訓距與雄雉傳阻難也爲患難之難
者不同書堯典而難任人傳難距也俗作拒說文距止也阻

訓難卽是訓止故箋云旣難卻我阻之爲難却猶沮之爲
却止矣左氏閔二年傳是行也狂夫阻之服虔注阻止也
說文阻本訓險阻足以止人故引伸之又訓止凡沮訓
止皆阻之段借說文沮水出漢中房陵東入江此沮之本
義爾雅水出其後沮巨釋名作阻巨孟子變人有臧倉者
沮君音義出沮字云本亦作阻蔣仁榮孟子音義考證云

讀書通云阻通作沮詩小雅亂庶遄沮禮儒行沮之以兵
荀子爲不善所沮史記酷吏義縱傳天子聞以爲廢格沮
事漢書天文志土與水合爲雍沮陳湯傳豎子欲沮眾耶
義皆爲阻

是用不集 我行旣集 日就月將

是用不集傳集就也箋云故所爲不成黍苗我行旣集箋
云集猶成也案集乃就之段借敬之日就月將正義曰日
就謂學之使每日有成禮記孔子閒居引詩日就月將鄭
注亦云就成也周禮巾車注典瑞注弁師注竝曰就成也
集與就古字通書顧命用克達殷集大命漢石經集作就

韓詩正作是用不就集讀若就故與猶咎道韻左傳知不
集也今日之事幸而集國語軍事集矣恐事之不集草杜
竝訓集爲成皆當讀爲就

哀我填寡 邈條不殄 肆不殄厥愠 肆戎疾不殄

不殄心憂 不殄禋祀 邦國殄瘁

小宛哀我填寡傳填盡也釋文填徒典反案填乃殄之段
借故音徒典反說文肖部殄盡也大雅瞻卬邦國殄瘁傳
殄盡也新臺邈條不殄思齊肆戎疾不殄傳竝訓殄爲絕
縣肆不殄厥愠柔不殄心憂雲漢不殄禋祀箋竝訓殄
爲絕絕亦盡也填殄古字通經義述聞曰穀梁隱五年傳

誅不填服填讀爲殄謂殄戮之也不填服謂不殺降也集
韻殄或作填家兄有云真聲殄聲古同部故多互通哀我
填寡韓詩作哀我殄寡雲漢胡寧癘我以旱韓詩癘作殄
邶風鬢髮如雲說文作殄髮如雲周禮典瑞珍圭以微守
注珍當爲鎮論語鄉黨紵絺綌皇侃本作纈廣韻十六軫
紵單衣或作纈